

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books


<https://books.google.com>



This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



#12
10

ΕΠΙΝΙΚΙΟΝ
Rhythmo Teutonico
LVDOVICO
REGI



acclamatum,
Cum Nortmannos

an. DCCCLXXXIII.

vicisset.

Ex Codice MS. Monasterii Elnonensis sive S. Amandi in Belgio,

per

DOMNVM JOHANNEM
MABILLON,

Presbyterum ac Monachum Ordinis

S. Benedicti & Congregatione S. Mauri

descriptum,

Interpretatione Latina & commentatione historica illustravit

JO. SCHILTER.

ARGENTORATI,

Sumptibus JOH. REINHOLDI DVLSSECKERI.

ANNO M DC XCVI,



R. P.

DOMNO JO. MABILLON

S. P. D.

JO. SCHIETER.



Triennium est, aut quod excur-
rit, Vir celeberrime, quod è Galliis re-
dux Dom. d'Eyben, Consiliarius nunc
Ducis Luneburgensis, inter alias Gal-
liarum gratias, etiam à Tua humanita-
te se obtinuisse prædicavit insigne monumentum an-
tiquitatis Teutonicæ, descriptum Rhythmum de Lu-
dovico R. Ludovici filio: id quod avidè ipse arri-
pui, descripsi unà cum subiecto interpretamento sum-
mario latino, & hætenus per horas successivas, inter
alias varii generis tum hujus studii, tum forenses oc-
cupationes consideravi, donec nuper tandem nescio
quo animi instinctu, seriò id aggressus, & verborum
interpretationem curatius inquisivi, & historiam
Francicam contuli; ubi cum aliquantum dissentire ab
dicto interpretamento cogerer, commentationes con-
jeci in chartam, & Schmidio meo apud Vos ea de re

A 2

scri-

scripsi, qui cum semel atque iterum significarit, Vobis haud ingratam fore mearum rerum communicationem, nolui eam differre, imprimis cum non sim certus, num ego vel is à quo copiam sumsi, accuratè per omnia descripserimus: unde necesse ratus sum, ut Vobis, Vir Clarissime, ante omnia sub censuram mitteretur, ut cum Originali, si fortè ad manus, vel saltem cum Vestra descriptione adhuc semel conferretur, & si non grave fuerit, de *audacia* MS^{ti} aliquid peculiare moneretur. Neque enim diffiteor, me putare, pauca quædam vitio scripta esse, quæ suo loco notavi, & in quibus revisio quid additura est. Suspicio quoque & Dn. Obrechtò & mihi suborta de genuitate primæ strophæ, tum quod vocabula paulò recentiora videantur quàm in sequentibus, quæ vetustius seculum redolent, tum etiam ob scripturam nominis *Hludovicus* variantem. Sed & alia vocabula cum adspiratione scribuntur hîc, ut *ihm*, *sehr*, &c. quæ Otfridò, Willeramò & aliis tum sine ea veniunt. v. 35. etiam mutilatus videtur, si ad rhythmum & cantum referatur, quod tum utique consuetum fuisse constat, & vel Otfridus in præfatione testatur. Genus metri quodammodo ad Glyconicum accedit, sed liberum tamen & homoeoteleutum, ut Otfridi, & Willeramî, coæva carmina: inest tamen aliquis numerus poëticus, etsi incertus & vagus. Sed & stylus strictior, quàm in prosa cernitur. Obtinui præterito anno operâ Schmidii nostri à perillustri Domino Sparvvenfeldio Barone Suecico, Sæmundi Poëtæ Suecici vetustissimi carmina MSS. in quibus & numerus & stylus quoque huiusmodi, sed sine rythmo. Atque certè hoc genus carminis sine homoeoteleuto vetustius

stius mihi videtur, atque Hebræis quoque & ipsi Jobo usurpatum. Adjicio quoque antiquum aliquod scripturæ genus lapidi incisæ, supra januam templi in Villa Thuringiæ in Comitatu Glicheni vetustissimo, quo loco etiam S. Bonifacius sæpe versatus; locus is hodie dotall. factus Academiæ Jenensis. Videor mihi vestigia quædam de Ludoviciana divisione regni inibi deprehendisse, sed necdum satis mihi facere possum: non sunt literæ singulares, aliàs enim alphabetum foret ad centum literas: unde nec inter secreta Caroli M. alphabeta referri poterit hæc scriptura, de quibus mentionem ex Otfridi Grammaticis fecit Trithemius in Polygraph. lib. ult. p. m. 589. nisi præter alphabeta & alios characteres invenerit Carolus siglis similes, quales hîc observare videor mihi, atque idem Trithemius in repetita editione MS. quam Lambecius l. 2. Bibl. c. 5. p. 463. laudat, ait: Otfridum & alios quosdam characteres interseruisse, quibus Carolum in arcanis usum fuisse idem dixerit. Sed quàm malè actum cum antiquitate nostræ gentis, quod nec Caroli nec Otfridi institutiones Grammaticæ, in tanta chartæ vilitate & inventa arte Typographica, posteris servatæ. Anne quæso in Vestri S. Ordinis Archivis, quibus ille πολλὰν ἀντάξιος ἄλλων, illa fragmenta Caroli & Otfridi, itemque Keronis integra translatio Regularum Vestrarum, reperitur. quàm malè meruit de republ. literaria & lingua imprimis Alemannica Goldastus, qui maluit istud tale quale Glossarium conficere, quàm integrum textum imprimi facere. Tu verò Vir perreverende & Clarissime vale & censuram adhibe rigorosam, quæ balsamum erit capiti meo. Dab. Argentorati, 9. Mart. M DC XCII.

R. P.

Domno Jo. Mabillon

Viro Clar.

S. P. D.

Jo. Schilter.

Non dubito Vos meas una cum interpretatione Rhythmi Ludoviciani per Dn. Smidium nuper accepisse, ex quo limam Vestram atque censuram lubens prestolor. Interea quum exhibitor harum, ex Scholis nostris egressus, doctrinâ studio antiquitatis, & modestiâ se omnibus commendans, Cos. Wenkeri filius, ad Vos excurrens, à me commendatitias peteret, nefas duxi eas ad TE cumprimis denegare: præsertim quum insuper hoc argumentum superiori commentatiunculæ adjiciendum ratus, nimirum an ex idiomate linguæ conficiatur, non intelligi ibi Regem Franciæ Occidentalis, sed Orientalis; si enim Regi Fr. Occid. carmen hoc fuisset decantatum oblatumve, non in ista lingua Francica Orientali, sed in lingua Provinciali sive Franciæ Occidentalis jam tum propria fuisset confectum, quippe quæ jam tum vigebat non tantum in Aula Regia, sed etiam in communi, uti vel ex formulis forderis & juramenti inter Ludovicum I. Regem Franciæ Orientalis & Carolum fratrem R. Fr. Occid. patrum Reges tum subditos diversis linguis usos. Sed de hoc judices. Vale & fave. Dab. raptim XIV. Cal. Maj. M DC XCII.

Clariss.

Clarissime & Exuditissime Domine,

PVdet me quod tam diu. responsum. distulerim ad id quod de rythmo Germanico jam pridem sciscitatus es. In causa fuit, non certe incuria mea, sed indiligentia eorum, quibus curam consulendi autographi commiseram. Id vero rejiciunt in confusionem librorum suorum, qui in acervum congesti sunt, ob violatum ex nupero terræ motu fornitem suæ Bibliothecæ. Revolvit tandem codices omnes, uti asserit, Bibliothecæ custos, nec invenit quod quærebamus. Litteras ejus rei indices ostendi Dñs Smithe aliisque amicis tuis qui in hac urbe versantur, eas ad te missurus, si tanti esset, ad liberandam fidem meam. Rem iterum commendavi uni ex nostris, qui ante paucos dies Insulas profectus est. Si quid proficiet, faciam te quam primum certiorum. Ceterum gratias Tibi Clarissime Domine, ago quam maximas, tum ob præclara benevolentiae tuæ testimonia, quibus me non semel honorasti, tum ob transmissos ad me libellos tuos, in quibus eruditionem tuam ea qua par est reverentiâ suspicio. Utinam medius ille paties, qui nos religionis intervallo separat, dejectus esset ut in unum Christi corpus coalesceremus! Faxit DEus ut tandem aliquando votum hac de re meum succedat. De litteratis nostris non est quod ad te scribam, cum habeas in hac urbe adolescentes gnavos & bene morigeratos, qui te de omnibus moncant. Tantum vale & studiis nostris favere perge. Lutetiae Paris. Idib. Julii 1693.

Clarissime Domine,

Tui studiosissimus

Fr. Joh. Mabillon. M. B.

a Tournay, le 9. Mars, 1693.

Mon Reverend Pere,

Estant allé ces jours passez à St. Amand, j'y ay executé les ordres dont il Vous a plus m'honorer. Le Bibliothecaire me dit, qu'une voute de la Bibliothèque qui estoit tombée lors du dernier tremblement de terre, & qui n'estoit point encore tout à fait réparée, l'avoit mis dans vn grand desordre, que cependant il feroit ses diligences pour trouver le manuscrit auquel se devoit faire la collation que Vous souhaitez. Depuis il m'a renuoié Votre copie sans collation, me mandant qu'il n'avoit pu trouver le Manuscrit. je ne vous renuoié pas cette copie, dans le dessein de prier ledit Bibliothecaire de faire de nouvelles recherches & de satisfaire s'il se peut à vos souhaits. Si cependant vous trouvez bon de la retirer, obligez moy de me le faire sçavoir & au surplus d'estre bien persuadé qu'on ne peut estre avec plus d'estime & de veneration que je suis

Mon Reverend Pere,

Vostre tres-humble & tres-
obeissant serviteur

D. R. De Los.

Einen

RHYTHMVS ANTIQVVS
LVDOVICO
REGI FRANCORVM
VICTORI NORTMANNORVM
acclamatus.

B



Einen künig weiz ich,
heisset herr Ludvig,
der gerne Gott dienet,
weil er ihms lohnet.

5 Kind wart er vatterlos,
dess wart ihm sehr boß.
Holoda'nan Fruktin,
Magaczogo wart her sin.

Gab her ihm Dugidi, -
10 Fronisc githigini,
Stuel hier in Vrankon.
so bruche her es lango.

Das gedeild er thanne
sar mit Karlomanne
15 Bruder sinemo,
Thia czala vanniano.

Re-



Regem novi,
vocatur Dominus Lyndowicus,
Qui lubens Deo servit,
quippe qui cum præmiis afficit.



5 Minorennis orbabatur patre,
id quod ipsi erat valde noxium.
Suscepit ipsum Dominus,
ductor fiebat ipsius.

Dedit ei Heroës,
10 Illustres comites,
Sedem hîc in Francia.
Sic utatur illis diu!

Hæc divisit postea
cum Carolomanno
15 Fratre suo,
Portionibus fraude absque.

O das vvarth al geendist,
 keron vvolda sin God iz,
 ob her arbeidi
 20 so lang tholon mahi.

Ließ der heidine mann
 obar sie lidan,
 Thiot Vrancon
 mannon sin diono.

25 Sume far verlorane,
 vourden sum erkörane.
 Haranscara tholota
 ther er misselebeta.

Ther ther thanne thiob vvas,
 30 ind er thanana ginas,
 Nam sine vasten
 Sidd vvarth her guotman.

Sum vvas luginari,
 sum vvas skackari,
 35 sum fallofes,
 Ind er giburtha sih thes.

Cum

Cum hoc esset, omne finitum,

Experiri volebat ipsius Deus hoc,

An is tribulationes

20 aliquandiu tolerare posset.

Permisit gentilium militem

super eos duci:

Populum Francorum

mililibus eorum servire.

25 Alii statim defecerunt,

Fuerunt alii tentati, (sollicitati.)

Contumelias patiebatur

quicunque fecus viveret.

Is qui tum latrunculus fuerat,

30 atque hinc (his in turbis) invaluerat,

Occupavit ejus (Regis) castra:

Ex quo factus is nobilis.

Alius erat mendax, (falsarius)

alius erat ficarius,

35 alius desertor,

Et quilibet extollebat se eo (crimine.)

Kuning was abruinis,
 das richi al girri.
 was ehrbolgan Krift,
 40 leid her thas ingaldiz.

Thoh erbarmet es God,
 wuifs er alla thia nod,
 Hieß herr HLudwigan
 tharot sar rilan.

45 HLudwig kuning min
 bilph minan listin.
 Heigun sa Nordman
 harto biduungen.

Thanne sprach HLudwig,
 50 Herro so duon ih,
 dot nj rette mir iz,
 al thas thu gibuedist.

Tho nam her Godes urkub,
 huob her gundfanen uf,
 55 Reit her thara in Vrankon,
 ingagan Nortmannon.

At

Rex erat attonitus.

Regnum totum perplexum.

Erat iratus CHRISTVS,

40 permisit hanc tyrannidem,

At misertus est DEVS, (rem.

cognoverat omnem hanc calamita-

Iussit Dominum HLudovicum

eò illicò proficisci.

45 HLudovice, Rex mi,

juva meum populum,

Eum Nortmanni

durè presserunt.

Tunc dixit Ludovicus:

50 DOMINE, sic faciam,

Mors ne prohibeat mihi hoc,

omne quod Tu mandas.

Tunc cepit in DER veniam,

Sustulit vexillum classicum,

55 Expeditionem fecit in Franciam

adversus Nortmannos

Gode

Gode thancodun
thesin beidodun.

Quad: Hin al fromin,
60 so lango beiden wir thin.

Thanno sprach luto
Hludvrig der guoto:
, Trostet hin gesellion,
, mine notstallon,

65 , Hera santa mih God,
, doh mir selbo genod,
, Ob hin rat thuti,
, thaz ih hier gefurti.

, Mib selbon ni sparoti,
70 , unz ih hin ginerrti.
, Nu wil ih thas mir uolgon
, alle Godes holdon.

, Gijkerit ist thiu hieruust
, so lango so wil Krist.
75 , Wil her unsa bina uuarth,
, thero habet giuabt.

DEO

DEO gratias agens,
hunc expectans.

Dixit: Agedum DOMINE,
60 tam diu expectamus Te.

Postea elocutus clarè
Ludovicus ille illustris:
Bono estote animo, Commilitones,
Constabularii mei.

65 Huc misit me DEVS,
qui & mihi ipse gratosus sit!
Ut vos consilium detis,
ut ego exercitum educam

Mihi ipsi non parcam,
70 donec ego vos liberem.
Nunc volo ut me sequantur
omnes DEI fideles.

Data est hæc vita
tam diu quàm vult Christus.
Quia is nostra ossa servat,
eorum habet custodiam.

C

, So

, So uuer so hier in ellian
 , giduat Godes millian,
 , quimit he gisund us,
 80 , ih gilonon imos.

, Bilibit her thorinne,
 , Sinemo kunnie.
 Tho nam her skild indi sper,
 ellianlichō reit her.

85 Uuold her uuarer rahchon
 sina uuidarsahchon,
 Tho ni uuas iz buro lango
 fand ber thia Northmannon.

, GODE LOB. sageta.
 90 Her siht thes her gereda.
 Ther Kunig reit kuono.
 sang lioth frano.

Joh alle saman sungun
 Kyrieleison.
 95 Sang uuas gesungen.
 Uuig uuas bigunnen.

Qui-

Quicumque hîc in alacritate
facit DEI voluntatem,

egreditur is integer (ex prælio)
80 ego præmio afficiam ipsum.

Siquis morietur hîc (in prælio)
ejus familiæ (dabo.

Tunc arripuit scutum & lanceam,
festinanter equitans.

85 Volebat is verè vindictam sumere
de suis adversariis.

Tunc nec erat intervallum longum,
Inveniebat Nortmannos.

DEO sit laus! dicebat,

90 Videns id quod desiderabat.

Rex currit audacter (niam)

Præcinit canticum publicum (Lita-

Atque omnes conjunctim cantabant

Kyrie eleison.

95 Canticum erat decantatum:

Prælium cœptum.

C 2

Bluot

- Bluoet skein in mungon
 Spilodon der Vrankon.
 Thar raht thegeno gelih,
 100 Ni chein so so Hludunig.
 Snel indi kuoni,
 thas uwas imo gekunni.
 Suman thuruch fluog her,
 Suman thuruch stach her.
 105 Her skancta cehanton
 sinan fianton
 bitteres lides.
 so uuehin hio thes libes.
 Gilobet si thiu Godes kraft,
 110 Hluduvig unarth sighast.
 Sag allin Heiligon thanc.
 Sin vvarch ther Sigikamf.
 Odar abur HLuduvig
 Kuning unar salig.
 115 Garo so ser hio uwas
 Swar so ses turst uwas
 Gihalde inan, Trubun,
 bi sinan ergæhtin.

San-

Sanguis apparuit in genis
exultantium Francorum.

Hic vindictam sumsit miles pariter,
100 nemo sic ut Ludovicus.

Alacer & audax,
Hoc erat ipsi congenitum.
Alium percussit.
alium perfodit.

103 Propinavit subinde
fuis hostibus
amarum potum.
Sic cesserunt hic de vitâ.

Benedicta sit DEI virtus!
110 Ludovicus factus victor.
Dic omnibus sanctis gratias.
Ipsius facta victoriosa pugna.

At verò Ludovicus
Rex fuit felix.
115 Promptus uti hic fuit,
Gravis quantum opus erat.

Serva ipsum, DOMINE,
in sua Majestate!

COMMENTATIO.

§. I.

*Mos Gentium
res gestas car-
minibus com-
plecti.*



Mnibus gentibus, imprimis quoque Teu-
tonicis & Celticis semper in usu fuit, re-
rum gestarum memorias carminibus ce-
lebrare & posteris relinquere. Quem mo-
rem ex Oriente Celtas transportasse, Gomeri quippe
posteros, probabile est. Idem enim Orientalibus
populis in usu. Celebre est Epinikion Mosaicum ex-
tinctio Pharaone, *Exod. XV.* Antiquius illo idem
Moses *Numer. XXI. 27.* refert ex Annalibus Amorhæo-
rum, quum Schon, Rex Amorhæorum contra Re-
gem Moab victoriâ potitus fuisset; ait: *Idcirco dici-
tur in proverbio, i. e. carmine vulgari, Epinikio;*

*Venite in Hesebon:
adificetur & construatur civitas Schon.
Ignis egressus est de Hesebon,
Flamma de oppido Schon:
Et devoravit Ar Moabitaram & habitatores
excelsorum Arnon:
Va tibi Moab,
peristi popule Chamas.
Dedit filios suos in fugam:
Et filias in captivitatem Regi Amorrhæorum,
Schon.*

*Iugum eorum disperiit ab Hesebon usq; Dibon.
Lassi pervenerunt in Nophe & usq; Medaba.*

*Celtarum
quoque.*

§. II. Teutones quod attinet, nota sunt Corn.
Taciti *de Mor. Germ. c. 3.* & Cluverii congesta *Lib. I.*
Germ. Antiq. c. Ll. Jornandes *de reb. Getic. c. V.* Gotho-
rum studium fuit primum, inter alias gentes vicinas ar-

CML

cus intendere nervis, — Ante quod etiam cantu Majorum facta modulationibus citharisque caneant, Ethespamara, Hanala, Fridigerni, Widicula, & aliorum, quorum in hac gente magna opinio est, quales vix Heroes fuisse, miranda jactat antiquitas. Atque ista vetusta Celtarum carmina in scripturam utique redacta, rectè arguit Kriegsmann. Conject. de German. Gent. Orig. cap. VI. H. Conringius quidem de Antiq. Stat. Helmstad. pag. 2. ait: Veterum fabularum indubiè magna olim copia, quoniam carmina pro annalibus sum fuerunt. Et pag. 18. paulò vehementius invehit: Quoniam gentium illarum antiqua omnes narrationes nituntur fide priscorum carminum, fuerintque præter carmina & paucas rupium inscriptiones non alia populorum illorum quondam historica monamenta, idque more communi omnium olim Germanorum, quod ex Tacito notum est, non magis tunc illis credas, quàm Græcorum Latinorumq; Poëtarum fabulis: quæ ubivis gentium fuit semper carminum illaudabilis licentia. Verum enim verò quod pace beatorum Manium dixerim, discriminè magnum arbitror esse inter fabulas Græcorum Latinorumq; Poëtarum, & inter Carmina Bardorum Celticorum, quod in Præfatione ad Otfridi Volumen Evangeliorum deductum: & ad Poëma vetus Germanicum de bello Caroli M. contra Saracenos in Hispania pluribus, DEO volente, exponetur.

Fides carmin.

Ludovici duo sum

Franciscus Ludovici Balbi filius

§. III. Certè de hujus nostri Epinikii fide dubitatio nulla superest: nisi utri Ludovico Regi, Franciæ Orientalis, an Occidentalis sit assignandum? Dubium aggravat, quod quum Normanni prædatores ad Scaldim stragem passi fuerint post Caroli Calvi tempora, duo Reges vixerint Ludovici, & in Gallia sive Francia Occidentali, & in Germania sive Francia

cia Orientali, ut tum vocata. Atque uterque victoriam contra Normannos obtinuit : Sed & uterque fratres habuit & Carolomannum, cuius hîc fit mentio, & Carolum. Continuator anonymus Bedæ Lib. 2. Hist. Anglic. c. 1. de Carolo Calvo: cui successit in regno filius ejus Ludovicus. Deinde anno regni sui secundo necdum expleto, idem Ludovicus obiit in Compendio palatio VI. Idus Aprilis Indict. XII. A. D. DCCC LXXIX. Deinde filii ejus Ludovicus & Karlomannus regnum ejus inter se dissipant. Prædictus verò Rex Ludovicum in pago Viminaco cum Normannis bellum gerens, triumphum adeptus est, & non multo post obiit, pr. Nonas Aug. A. D. DCCC LXXXIII. Indict. XV. Annales Fuldenses : Inde transfrens (Ludovicus II. Germanicus) omne tempus æstivum in Boiaria moratus est. Nepos verò illius (Ludov. Gallicus) cum Nordmannis dimicans, nobiliter triumphavit. Nam novem millia equitum ex eis occidisse perhibetur. Regino pag. 60. scribit : A. D. Incarnat. DCCC LXXXIII. Ludovicus frater Carolomanni moritur apud S. Dionysium, ibique honorabiliter tumulatur, quem omnes Galliarum populi nimio planctu lamentati sunt. Fuit enim virtutis maxima, regnumque sibi subditum à paganorum infestatione potenter viriliterque defendit. Inter cetera quæ strenuè gessit, illud præcipuè prælium commendatur, quod adversum Nortmannos in loco qui vocatur SODALCVRCH, summis viribus exercuit, in quo certamine, ut ferunt, plæquam octo millia hominum gladio prostravit.

§. IV. Contra ea ex Aimoini relatione apparet, Ludovicum Galliæ nullum egisse triumphum ex Nortmannis, sed fugam apprehendisse, sic ait: De quibus non modicam partem occisis, cæterisque fugatis, & ipse Ludovicus non cum suis retrorsum, nevinde hostium persequen-

quente, fugam arripuit, divino manifestante iudicio: quia quod in Nortmannos fuerat actum, non humanâ, sed divina virtute patratum extiterit. Atque sunt, qui ajunt Ludovicum Germanicum regnum etiam Gallix suscepisse, & tum de Nortmannis triumphasse. Gobelinus Persona Cosmodrom, Aet. VI. c. XLIII. *Ludovicus Rex filius Lodeuvici R. Teutonia, ad Gallias se transfert, & ibi honorificè in Regem susceptus est.* Id quod Calvisius non de regno ipso, sed de tutelâ accipit ad Ann. 880. ait: *Ludovicus II. Germania Rex in Galliam profectus, filios Ludovici Balbi in tutelam accipit, indem Martio Nortmannos ad Scaldam fluvium vicit, quinque millibus occisis, in quo tamen filius Hugo cecidit. Inde pupillis suis Galliam divisit, & Ludovicus quidem natu major Franciam & Neustriam accepit, Carolomannus verò natu minor, Burgundiam & Aquitaniam. Aimoin.* Ego verò nihil tale quidem ex Aimoino colligere potui, sed hoc quidem, quod conspiratio fuerit Goslini Abbatis & complicum contra Ludovici Balbi filios in Gallia, & is concitaverit Ludovicum Germanicum ut in Franciam Occidentalem veniret: quam conspirationem eluserint Galtherus Episcopus Aurelianensis & socii, offerentes Ludovico Germanico partem regni Lotharingici, quâ acceptâ ille in regnum suum abiret, & Galliam seu Franciam Occidentalem Ludovicum Gallicum cum fratre securè possidere consentiret. Ludovicus itaque Germanicus cum suis acceptam habens oblationem, cum dedecore Goslinum & Conradum ac complices rejecit, & acceptâ regni parte sibi oblatâ, rediit ad palatium suum Francofurt, A. 880. Aimoinus Lib. V. c. XXXIX. & cap. seq. ubi & de altera Goslini conspiratione & *factis ta-*

Germanic.
Ludov. II.

Qu.

Rat. i.
pro Lud. Ger-
man.

Rsp.

D

men



men amicitis (nulla tutelarum mentio) cum filiis Ludovici Regis Franciæ Occiduae & secutâ divisione Regni Franciæ illius, eaque sine auctoritate Ludovici Germanici, sed *sicut Fideles illorum fratrum invenerunt.*

2. r. 441

§. V. Atque movetur & hoc: si Regi Galliæ hoc carmen fuisset dicatum, non in lingua Teutonica, sed Provinciali fuisset compositum, hæc enim tum viguit in aula Franciæ Occiduae, uti vel ex formulis foederis & pacti divisorii inter Ludovicum I. & Carolum Calvum pater. Et confer si placet *Morbovium P. 2. de Ling. German. c. 1.* Facit quod habet Jac. Regiovillanus *Chron. Lat. MS. fol. 67.* de Rege Dagoberto jamtum loquens: *Illi* (venatores Regis Novientum spoliantes) *ut Gallorum mos est, Theutonicam linguam subsannantes, cum derisione eos* (Monachos Teutonicos) *de conspectu suo abegerunt, at illi Ecclesiam suam ingressi repulsam suam Domino & B. Petro commendabant.* Denique Flandriam, in quâ Scaldis fluvius & hoc prælium patratum sit, jam tum sub Carolo Calvo à regno Franciæ Occid. recessisse auctor est Mart. Polonus & idem Regiovillanus in *Chron. German. c. 2. §. 149.*

3.

Resp.

§. VI. At verò linguam Germanicam in Galliis illo ævo haud neglectam fuisse, testis est Servatus Lupus, Abbas Ferrariensis Epist. XCI. quâ ad Marcwardum Abbatem Prumiensem scribit: *Filium Gargonis nepotem meum, vestrumque propinquum, & cum eo duos alios puerulos nobiles, & quandoque, si DEUS vult, nostro monasterio suo servitio profuturos, propter GERMANICAE linguae nanciscendam scientiam vestra Sanctitati mittere cupio. qui tres duobus tantum modo pedagogo contenti*

renti sunt. Quid? quod Rhythmici versus tùm temporis nondum in lingua provinciali sive Francica Romana, sed in Teutonica & Francica genuina extiterint, quâ de re H. Valesius in *Valesian.* pag. 124. ita: *Rhythmici versus sub Willelmo VIII. Duce Aquitania & Comite Pictaviensi, qualium meminit Ordericus ult. cœpere usurpâri in vulgaribus carminibus circa annum 1100. Inter Poëtas Provinciales vulgò dictos, leguntur carmina Willelmi hujus rhythmica, ad canendum composita, de itinere Hierosolymitano. Alterum amatorium, quod est initium & origo nostra vulgaris Poëscos, & nostra etiam lingua vulgaris, quâ nunc utimur. Scilicet duplex est lingua Provincialis, vetus & hodierna. Et pag. 194. Lingua Francica, qua hodie utimur, ex lingua Latina seu Romana corrupta originem habet, ut Italica & Hispanica, admistis compluribus verbis Francicis seu Germanicis, & aliquot etiam Gallicis veterum incolarum. Rustica Romana lingua vocatur in Concilio Turon. III. ann. 813. quod Galli, Romani vulgò dicti, eâ uterentur atque etiam plerique Franci Neustrassii, maximè autem Aquitani & Narbonenses. Ejus lingua rustica Rom. primitias habemus & notabile exemplum apud Nithard. Lib. 3. in sacramento Ludovici R. Germania, in fœdere illo Ludovici & Caroli Regum, & sacramento populi. Poëtas quidem vulgares, qui Rustica Rom. linguâ sua opera & carmina composuerint, nullos ante annum 1150. habemus, ex Falceto: alibi dicit circa annum 1100. cœpisse florere. Chartas seu litteras Præceptave & diplomata Regum & alia eâ linguâ nulla ferè reperias ac nusquam ante annum 1220. à quo tempore plurima extant. Antonius Oiselinus tamen chartam profert Ludovici Crassi R. Franc. datam an. 1122. linguâ vulgari facilè intelligibili, nisi tamen è latino sermone*

*ne translata etiam post est in Francicam linguam. Et ex-
tant leges à Wilhelmo Normanno Rege Anglorum linguâ
nostrâ Anglîs latae. Obiit autem is anno 1087. ita ut ante
annos DC. ea lingua Rustica Romana, quæ nostræ est, in usu
jam fuisse videatur. conf. p. 220. & T. I. Histor. Franc.
p. 289. sq. & Notit. Galliæ verb. Francia, p. 203. Ex
his apparet & Linguæ Teutonicæ majorem splendo-
rem fuisse, & usum quoque in Francia Occidua tum
temporis, quàm vulgò putamus. At neque Flan-
driam recessisse dicunt auctores à regno Caroli Cal-
vi, sed in dignitatem Comitatus fuisse erectam, quum
hactenus non à Comite proprio, sed à Forestariis Re-
gis gubernata. Imò verò locus quo hæc victoria ob-
tenta, nondum certus est, de quo mox videbimus.*

4. §. VII. Planè an dicendum utriusque Ludo-
vici hîc fieri mentionem, primò quidem Ludovici
Gallici, & fratris Carolomanni, & quomodo hi
Patre suo orbatî, & divisio tandem provinciarum fa-
cta, atque à Normannis infestati fuerint. Deinde ve-
rò Ludovici Germanici, auxiliatoris & victoris, divi-
nitus excitati; hinc videtur, quod Poëta noster prio-
rem constituit in Franken, sede suâ, Franciâ Occiduâ:
posteriorem verò ait profectum esse in Franciam con-
tra Normannos v. II. & ss. At is Ludovicus, qui in
Francia sedem suam habet, non est idem, qui in Franciâ
ut auxiliator tum venit. Verùm enim verò nec hoc
persuadet: Francia enim duplici ratione dicitur, pri-
mò Francia propria, h. e. antiqua sedes Francorum
Rhenum transeuntium, quod Wendelinus solidè evi-
cit, de natali solo Legis Salicæ. Huic deinde tota
Gallia fuit adjecta, atque sic Francia in Occidenta-
lem

lem & Orientalem atque Austrasiam fuit partita. Rectè itaque dici potest Ludovicus Rex Galliae in Francia sedem habuisse, & in Franciam propriam contra Normannos expeditionem suscepisse. Propriam dico sive *secundam* vel Minorem ut Wendelinus appellat, in Charta Geographica & *conf. cap. VIII. de Nat Leg. Salic.* Præterquam quod & tota contextus συνάφεια id ostendit, de uno & eodem Ludovico Francico sermonem esse, qui modò dividerat cum Carolomanno regnum patrum.

§. VIII. Atque hoc certius fundamentum arbitror esse, de tempore & loco hujus victoriæ judicandi, Divisionem scilicet regni Galliae inter fratres. Hanc enim præcessisse ante prælium istud, Poëta ipse aperit v. 13. & 17. Partitio porrò regni facta nondum erat, quum Ludovicus Germanicus Mosam transgressus Lotharingiam acciperet à Ludovico & fratre, quod A. C. 879. factum Regino testatur, quo ipso anno etiam prælium Ludovici Germanici cum Normannis contigit, eodem teste. Igitur non potest hîc Ludovicus Germanicus intelligi. Neque ad Scaldim illud factum, sed ut idem refert, juxta Carbonariam in loco qui vocatur Thimnin, & ubi Ludovici filius naturalis Hugo interfectus. Qui locus Thimnin an idem qui in supplemento Annalium Francorum à Pithæo editorum MS. à P. Lambecio *L. 2. Bibl. Caesar. p. 352.* exhibito KINNIN vocatur? *Comitatus & beneficia, qua Rorich Nordmannus, Francorum Regibus fidelis, in Kinnin tenuerat, eidem hosti, Gotfrido Normanno, suisque hominibus ad inhabitandum delegavit* Imp. Carolus Crassus. Sed non videtur, quia Gothefridus non tractum ad Carbonariam obtinuit, sed insulam Batuam, & in

ἀπὸ τοῦ
pro
Francico
Occid.

ea speciatim *Chinbeym* corruptè *Kinnim*, ut eam exprimit Regino ad A. C. 884. *conf. H. Jun. Batav. pag. 49.* An idem quod *Fort de Schin* appellat Carte de l'Ancien Royaume d'Austrasie An. 1642. Parisiis auspicio Canterelli Fabri edita? Hodie *Schenkenschanz*? Sed hæc obiter. Sequuta an. 882. mors hujus Ludovici Germanici, quum Normanni Arduennam percurrentes omnem in circuitu regionē depopulati sunt, eodem teste. Interim partitio regni facta, teste supra laudato Aimoino, intervenientibus fidelibus Regni. Anno demum sequente an. 883. congressus Ludovicus Gallicus, ut supra vidimus, cum Normannis hactenus victoribus, & stragem hanc victoriosam illis intulit, in loco qui vocatus tunc *Sodalchurch*, ut apud Reginonem legitur, quod est Teutonicum seu Francicum vocabulum, compositum ex *Sedal*, sedes cathedra, & *Kirch*, Ecclesia, quasi dicas Ecclesia cathedralis seu episcopalis. Locus is in pago Viminaco situs fuit, æste continuatore Bedæ. Nescio an idem sit cum pago *Vimnan*, cujus mentio fit in Caroli M. Præcepto quo varia monasterii Dionysiani bona sub Pipino Rege recuperata, eidem Monasterio confirmat, exhibente Domn. Mabillon. *Lib. VI. de Re Diplom. L. p. 498.* verba Præcepti sunt: *Similiter in pago Tellau — similiter in pago Vinnau loca cognominantes Marca, Malcha, Malchiis, & Avisinas, Rodeno &c. similiter in pago Parisiaco Tabernas.* Similis appellatio est Sedeleuci apud Ammian. Marcellin. hodie *Saulieu* quatuor horarum itinere ab Augustoduno, *St. Baluz. ad Lup. Epist. LXXX.* Paulo post obiit & hic Ludovicus Gallicus, ut ex cod. Bedæ continuatore jam demonstratum.

§. IX. His ita constitutis aggredimur interpretationem textus, quem repræsentavimus, sicuti bonâ fide descriptus & à manu Generosi Domini de Eyben, Serenissimo Duci Luneburgensi & Brunovicensi à Consiliis Patroni nostri honoratissimi, mihi communicatus, qui ipse hujus antiquitatis describendæ copiam à Perquam Reverendo, Domn. Jo. MABILON Parisiis ipsi factam mihi deprædicabat. A quo equidem pro Viri humanitate collationem cum authographo in Monasterio S. Amandi reperto facilè impetrassem, nisi terræmotu superioribus annis ibi bibliotheca Monasterii damnum grave passa fuisset, ut ex literis adjectis patet.

Authent.

§. X Prima Strophe suspecta alicui videri possit, & nescio quâ recentior reliquis, quum nec nomen Regis *Ludwig* cum adspiratione scribatur, ut in sequentibus; Et certum est, durius pronunciatum fuisse, & scriptum etiam *Chlodoveus* & Chlodovechus, teste *H. Junio in Batav. c. 9. pag. 167.* adeò ut credi possit, carmen hoc capite truncatum à veteri descriptore & conservatore fuisse repertum, atque vel ab ipso vel à recentiore aliud appositum fuisse. Sed nihil definitio: præsertim quum & Otfridus Monachus Weissenburgensis, qui etiam illis temporibus scripsit & volumen Evangeliorum rhythmo Germanico comprehensum Ludovico I. Regi Germanorum dedicavit, itidem absq; adspiratione Ludovici nomen expresserit.

Ludvv.

v. 4. *Weil er ihms lohnet.*

Quia mercedem ei tribuit.

Alludere Poëta videtur ad id quod dixit Deus ad Abrahamum: *Ego protector tuus sum, & merces tua magna nimis.* Gen. XV. Et quod Siracides in fine libri: *Ope-*

rami-

ramini opus vestrum ante tempus, & dabit vobis mercedem vestram in tempore suo.

Kind

§. XI. v. 5. *Kind unwarther vaterlos.* Vocabulum *Kind* non tantum infantem, puerum aut adolescentem notat Alemannis, sed & majorem & quatenus praesertim ad patrem refertur, filium & liberos. Otfrid. L. 4. c. 6, 36.

Sinemo lieben manne

themo einigen kinde

Ludovici
atq.

confer eundem Lib. 3. c. 20, 163. utraque significatio hic locum suo modo habet. Ludovicus enim Rex Franciae Occidentalis filius Ludovici Balbi natus ex Ansgarda, adolescens adhuc erat quum patre orbaretur. Annales Fuldenses: *Ludovicus Balbus ingravescente infirmitate filium cognominem bajulationi (educationi) Bernhardi Comitum Arvernici specialiter commisit. & sentiens se ab infirmitate liberari non posse, per Odonem Episcopum & Albuinum Comitem, Coronam & Spatham ac reliquum regium apparatus filio suo Ludovico misit: mandans illis qui cum eo erant, ut eum in Regem sacrari ac coronari facerent. Ipse IV. Id. April. die Parasceve obiit.* Audiamus & Reginonem: A. D. I. DCCC LXXVIII. *Ludovicus rex filius Caroli Calvi, qui Balbus appellabatur, eo quod impeditioris & tardioris esset eloquii — Habuit, cum adhuc juvenilis aetatis flore polleret, quandam puellam nobilem nomine Ansgard, sibi conjugii foedere copulatam, ex qua duos liberos suscepit elegantis forma ac ingentis animi virtute praestantes: horum unus Ludovicus, alter Carolomannus vocabatur. Sed quia hanc sine Genitoris conscientia & voluntatis consensu suis amplexibus sociaverat, ab ipso patre ei postmodum interdicta, & interposito iuramentum, ab*

ab ejus consortio in perpetuum separata. Tradita est autem eidem ab eodem patre Adelheidis in matrimonium; quam gravidam ex se reliquit idem Rex, cum obiret: quæ tempore pariendi expleto, enixa est puerum, cui nomen avi imposuit, eumq; Carolum vocitari fecit. A. D. I. DCCC. LXXIX. BOSO auditâ morte Ludovici, à Provincia egreditur, totamque Burgundiam occupare nititur. Denique nonnullos Episcopos partim minis, partim suasionibus, in societatis fœdera colligit, & Lugdunum ingressus ab Aureliano ejusdem urbis metropolitano, & aliis Pontificibus in Regem super præfatum Burgundia regnum inungitur: pro nihilo ducens ADOLESCENTES filios Ludovici, & velut degeneres despiciens, eò quod jussu Caroli eorum genitrix spreta atque repudiata fuerit. Quæ res obtulit illi magis continuum tam odium ac periculorum dispendium, quàm gloria & dignitatis emolumentum. Siquidem jam dicti adolescentes Ludovicus & Carolomannus, industriâ ac studio Hugonis abbatis & aliorum Procerum in regnum sublimati, & eundem Bosonem diebus vitæ suæ omni instantia sunt persecuti. Atque ad hunc Bosonem alludere mihi Poëta noster videtur, quando porro canit:

Boso

Deßuarth ihm sehr ROS.

Huic Bosoni Carolus Calvus in matrimonium dederat Hirmingardem filiam Ludovici Imp. & Germanichildis reginæ, & Provinciam gubernandam, coronâque in vertice capitis imposuit REGEM appellari jusserat, ut more præscorum Impp. regibus videretur dominari, referente eodem Reginone ad A. C. 877.

§. XII. *Holoda 'nan Druhtin.*

Sic enim lætio constituenda pro nam thrutin. Nam Thruhstin vel Druhstin Celtis, & inde oriundis Francis;

Druhtin

E

Alc-

Alemannis, Belgis, DOMINVM DEVM denotat. Sicut & SueoGothis *Drosten* Dominus DEUS est in Samundi carmine Solari & aliàs frequens. Porro
 'nam *'nan* sepius etiam occurrit apud Otfridum, & est
holen contractum per aphæresin ex *inan*, ipsum, hodie scribitur *ihn*. Verbum *holoda* hodie efferrimus *holse*. *Holon*, *holen* est accersere, suscipere in fidem aut protectionem. Otfrid. ad Ludov. I. R. Germaniæ v. 235.

*Himman in iro xangi
 Christum lob fungi.
 Ioh ex auro iro uorto
 gilobas auerde harto,
 eber sic Ximo HOLETA,
 Xi gilouben sinen ledota.*

Nemo in illorum (Francorum) lingua
 Christi laudem cantavit.

Atque (ut) is etiam illorum verbis
 laudaretur valdè,

Qui illos ad se recepit,
 ad fidem suam vocavit.

§. XII. v. 2. *Magaczoga uwarth her fin.*

Her non dominum *herrn* significat, sed est Pronomen demonstrativum, ille scilicet DEUS. Sic & in Rhythmo de St. Annone scribi solet, & in Poëmate de bello Caroli M. Saracenicò, Francis & Saxonibus olim ita pronunciatum. Ille DEUS factus hîc dicitur Ludovici *Magaczoga*, educator, tutor, pædagogus, compositum ex *mag* & *zihen*. *Mag*, *Magus* Gothis & Celtis puerum notavit. Luc. 2, 43. *Gastoth laisus sa magus in iairusalem*: remansit Iesus puer in Jerusalem. *Magad*, Alemannis puella. Glossæ veteres Alamanicæ: *Magczogo, pædagogus*. De Pædagogis Palatinis, Pædago-

dagogianis & Pagiis *lac. Goshoffr. ad L. 5. C. Th. de divin. offic.* Du Fresnoy in *Glossar. voc. Pædag. & Pag.* Transfert Poëta noster Palatinum Pædagogium ad auspiciū & ductum divinum, quo institutus ac defensus Ludovicus noster contra adversarios Bosonem & Normannos fuit. Non plenè hæc assensus fuit auctor summæ hujus carminis in Cod. MS. adjectæ, quæ sic se habet: *Ludovicum Ludovici filium, rege patre prematurè orbatum, sub educationem vel potius Procerum dominium venisse, qui è regis dominis, regni tyranni effecti doploratissima quæque intulere patriæ aut inferri tam impune tulerunt, ut quando quis nequior tanto equior haberetur, malorum verò possumum caput erat inundatio & prævalescentia Nortmannorum, donec Ludovicus pubes inspiratione divinâ suscitatus ex regni reliquiis sanis adhuc & integris lecto exercitu, iisque contra progressu cogenti conflictu ipse omnium strenuissimus pugil debellavit, tum ad reliqua emendanda conversus omnia bene fecit.* Primò enim non *Herr*, dominus, ut dixi, sed *her*, i. e. ille scilicet, Deus, legendum. Deinde *Magatzoga* non ad Proceres regni, & in numero multitudinis accipi potest, sed de DEO protectore & Tutano. Damna autem insequentia non ad Bernhardi Comitis & aliorum Procerum administrationem regni referri debent, sed de irruptionibus Nortmannorum intelligenda, ut ex sequentibus opiddò patet.

§. XIV. v. 9. *Gab her ihme Dugidi.*

De DEO hæc porrò sunt intelligenda, qui novo Regi dedisse dicitur DVGIDI, h. e. Heroës, Virtuosos Proceres. Willeramus in *Cantic. Canticor. pag. 34.* ait: *ther manlichero dugethe ist*, i. qui virilis virtutis est: à

Dugidi

Verbo *donhen, dogen, tügen, valere, præpollere. Dohti*
i. boni, *die tüchtigen.* Otfrid. 3: 20, 135.

The úbele ioh thie dóhtun

Sih gicinon thar ni móhtun.

Pravi atque boni

sefe unire non poterant.

Loquitur autem de schismate inter Phariseos orto, de
quo Joh. IX. 6.

§. XV. *Fronisk Githigini.*

Githigini
clientes

Githigini est famulitium, satellitium regium Priscis
denotat. Otfrid. 1: 15, 77. de Christi ascensione:

Mit imo ist sin Githigini,

loh Engilo menigi.

Cum ipso est ejus Satellitium
& Angelorum multitudo.

Et c. XX. fi. *Tho goz er bunsih sinas bluas*
thaz Kuning ander ni duat.

Nu folget imo thuruh thaz

Githigini so manegaz.

Fudit pro nobis sanguinem suum,
quod Rex alius non facit.

Itaque sequitur Ipsum propterea
famulitium tam varium.

Oritur à Verbo *thigen* i. ambire, inservire, clientem
agere. Otfrid. 1: 17, 44.

Ginado sino thigitin.

Gratiam ejus ambiremus.

Et v. 124. *Huldi sino thigitun.*

Gratiam ejus ambibant.

Idem 1: 4, 34. *Sincero éregrehti*

nuarun thiggenti.

Suæ (Divinæ) Majestati
erant inservientes.

§. XVI.

§. XVI. FRONISC. Fron, Vron, publicum significat. Jus Argentoratense vetus: *Der Bischoff sol niemanne das Vron ambaht beuelhen. ern si denne des gesindes sinen Gotzhus.* Quod Latinus textus effert: *Nulli ausem Episcopus officium publicum committere debet, nisi qui sit de familia Ecclesie sue.* Atque sicut Jure Romanorum res quædam publicæ etiam SANCTÆ dicuntur, ut Moenia ac Portæ: ita etiam Majoribus Vron, Fron pro sancto usurpari placuit. Ita Otfridus 2: 11, 114. *Giscrip fromo*, scriptura sacra. IV. 2, 35. *fuazi fromo*, sanctos pedes Salvatoris. Lib. 1: 3, 66. *xi boton fromo*, ad sanctum Angelum, Gabrielem. Porro à Fron, ortum Fronisc, illustris, generosus. Otfrid. IV: 4, 42. *fronisgeru ern*, illustriori honore. Idem 2: 8, 88. & 188. *fronisgan uuin*, vinum generosum. Itaque *Fronisc githigini* est Comitatus illustris, Procerum & Vassalorum Regni à DEO datus, invito etiam Bosone.

Fron,
Fronisc.

§. XVII. Præter favorem Procerum regni, etiam sedem regiam à DEO Ludovico datam, ait Poëta, eamque in Francia: *Stul hier in Frankon.* Francia est terra Francorum: sed cum illi non una in terra subisterint, distinguitur Francia in. Veterem & Novam. Vetus dicitur trans Rhenum ab ipso usque ad Albim & Oceanum, ubi sedes regia *Duisburgum* vulgò creditur, ad Rhenum situm, Castrumque Deufonis vocatum. De qua *H. Iunius in Batavia* c. 9, pag. 126. 156. 171. 173. *Wendelin. Natal. LL. Salic. cap. XII.* Nova Francia est Cisrhenana; quam Franci transrhemani Romanis eripuerunt, & primò quidem occupato Belgio, Faramundo & postea Clodione Rege constituto, *Dispargi hodie Dieft*, sedem Regiam constituerunt in pago Hasbanienti. *Chifflet. Vind. Hiss. pag. 222.* *Wendelin. d. l. cap. XIV.* Postea circa ann. DVIII.

Frankon
Francia

Vetus

Nova

Chlodoveus Rex ubi Anastasio Imp. COS. declaratus, Turonis egrossus Parisius venit, ubi Carhedram regni constituit, teste *Gregor. Turon. L. 2. cap. XXII.* Atque sic tandem tota Gallia sub imperium Francorum redactum, donec & ipsum Romanum Imperium Occidentale eidem sub Carolo M. adiectum. Defuncto ipso & filio Ludovico, divisio inter nepotes facta, & tota Francia in Orientalem & Occidentalem divisa, exclusa scilicet non tantum Italia, sed & Burgundia & Lotharingia, quæ postea dici coepit, atque cum ipsa Vrbe Roma ad primogenitum Ludovici Imp. ut Successorem in Imperio Rom. pertinuit. Francia porro Orientalis ad Ludovicum Regem Germaniæ pervenit, Occidentalis verò ad natum minimum fratrem, Carolum Calvum. Hoc loco Francia non omnis, sed Occidua sine dubio intelligenda, & cathedra Regia Parisius.

§. XVII. v. 12. *So bruche her ex langa.* Votum hoc est à Poëta adiectum pro Regis longevitate & regni felicitate. Kero: *Prubbe, si prubhanti, watur.* Gloss. vet. *pruchi uuesan; prouesse.* Willeramus in Cantic. Canticor. *Thus her thes unindemodes muoze gebrochan, ut sibi liceat vindemiâ frui.* Quanquam voto suo Poëta haud factus fuit, quum Ludovicus illo ipso anno victorioso obierit: divisione regni tamen ante victoriam factâ, ut supra §. VIII. visum, eâque inter ipsum Ludovicum & Carolomannum, excluso Carolo fratre unilaterali, ex Regina tamen nato, quippe qui infantiam tunc nondum egressus fuerat. Expressurus Poëta partitionis hujus æqualitatem & fraternam æquitatem, ait:

This czala uuannti ano.

Czala vel *zala* non tantum numerum, sed & partes quon-

Zala

quondam significavit. Otfrid. ad Ludovic. R. Germ.
v. 133. *Salter rihifina zel*

rihifina fanno so fa or frat.

Ipse regni sui portionem
regit quàm fieri debet optimè.

Sic in veteri Registro: *Zuvu zale eins seils des grossen
Zehendes zu Lachen.* i. duas partes unius seilionis de
decima majori Lachenensi. Liber Salicus Monaste-
rii Wiffenburgensis: *Item super alio campo quing. quar-
talia partes.* h. e. fünff vierzal. vulgò *vierzal.* Sic
Zuvvozal, significat duas tertias Jus Argent. *ris. de
Vidui. cap.* Ist das *zuvvi.* Ibi: *Und sollen des Mannes
erben die Zuvvozal nemen, und der frawen erben das
dritteil.* Hinc hodiernum frequens ad Rhenum vo-
cabulum *Marzal*, rata portio; itemque *Erbezal*, pars
hereditaria. *Wanni ano*, quasi dicas, fraude absque:
aliàs & sine tali figura dicitur *anc wian, anz gende,
treulich, bonâ fide, sine dolo malo.* *Wan*, falsum,
dolum notat. Otf. II: 2, 37.

Zuvvozal

Marzal

Wan

*Thêist al giunis, malus wian,
thêiz durub inan ist gidan,
thaz wiaz nu muorolt scauma,
thaz sinan irkanta.*

Hoc omnino certum, neutiquam falsum,
quod per Ipsum est factum,
Hoc quicquid nunc orbis conspicit,
ut Ipsum agnoscerent.

Idem L. 4. c. 10, 20. de institutione SS. Eucharistie:

*Ir ezet, quad er, ann wian
Lichamen minan.*

Manducatis, aiebat, absque fraude
corpus meum.

§. XIX.

v. 17.

§. XIX. Hæc strophæ non unum amanuensium vitium fovere videtur: emendanda tamen quantum citra opem MSti fieri potest. Atque suspecta tamen manet prima vocula *O pro quum*, als. *Gendist* vel *gendiz*, contractum est ex *geendis ist*, confectum, finitum est. *Keron vvollda sin God is*. i. Deus ejus hoc volebat experiri, tentare, probare. *Chorunga*, tentatio: Oratio Dominica Alamannorum veterum: *Vnde in chorunga nit leistist du unsih*. item: *Vnd leite uns in deheine bechorunge*. item: *Enti ni unsih firleiti in Khorunga*. i. e. Ne nos inducas in tentationem. Porro *Arbeidi* discrimina, periculaque denotat. Kero: *Arbeits*, tribulatio. At *solang* vox nihili est: legendum videtur; *So lang*, i. e. quàm diu, quousque, *vvie lang*. *Tholon* hodie thulden pronunciamus, tolerare. Wil-leramus in Cant. Cant.

Her niet tholan ne uela.

Ipse tolerare nihil vult.

Kero: *Doleen*, *fardoleen*, *sustinere*. *Kedoleet unefan*, pati. *Dolungono*, passionibus. Glossæ Lipsii: *Tholon*, patiuntur. *Tholindon*, patientibus. Et infra v. 27.

v. 22.

§. XX. *Lidan*, *lithan*, duci, ire, venire, transire. Belgis *lyde*, via, transitus. *Lyden* transire. Nobis hodie *leiten*, ducere. Kero: *Kalid*, *discede*. *Kelidit*, *discedit*. Gothis: *Galeisthan hindar marein*, ire trans fretum, *Matth. VIII. 18*. Hinc γαλάτα, *Galaitæ* sese appellarunt Celtæ trans alpes egressi ad Padum confidentes, atque in Græciam ac Asiam sese profundentes, h. e. Emissorum, emigrantium coloniam. *Mannon sin*, ita legendum videtur pro *Mannon sin*. quanquam & hæc promiscuè scripta reperi.

§. XXI.

§. XXI. *Heidine man*, gentiles homines, barbaros, denotant Nortmannos, à fide Christiana adhuc alienos. De his Glaber Rodolphus L. 1. Histor. c. V. *Normanni nomen inde sumserunt, quoniam raptus amore primitus egressi ex Aquilonaribus partibus audacter Occidentalem petiere plagam. Siquidem lingua illorum propria NORT aquilo dicitur, MINT (manne) quoque populum appellatur. Inde verò Normanni quasi Aquilonaris populus denominatur, & quæ sequuntur plura de eorum progressibus in Occidentali plaga. Fragmentum historiæ Aquitanicæ ex pervetusta scheda à Frehero editum: Eo tempore infinita multitudo Normannorum ex Dannemarcha & Trescha regione cum classe innumera mare transeuntes, armis confidentes, & multitudine feroci hostium appulerunt portum Aquitanicum. Aimoinus Lib. 2. c. 2. Dani, gens inquietissima consensu quam plurimis navibus, fines regni Theodorici Regis ingressi depopulantur &c. Albertus Stadenfis de XI. bellis Caroli M. ait: Ultimum contra Normannos, qui Dani vocantur, primò piraticam exercentes, deinde majori classe littora Gallia & Germania vastantes bellum susceptum est, &c. Qui etsi à Carolo in ordinem redacti, non cessarunt tamen post illius excessum, successores in utraque Francia inquietare, usque ad hunc Ludovicum & ultra. Idem Glaber Rudolfus Lib. 1. c. V. Et licet post hæc plures insulas ac provincias mari contiguas, iidem scilicet Normanni depopulaverint, in partes tamen Francorum Regum fortè regendas non deinceps nisi ab eisdem Regibus evocati, conscenderunt. Quia etiam paulò post vicissim scilicet Franci, necnon & Burgundionum plerique cum prædictis Normannis catholica fidei jam effectis cultoribus, pacificè vinxere connubia, atque unius Regis*

F

regnum

regnum pari consensu decrevere dici & esse: Indeque or-
ti Duces excellentissimi, Guillelmus videlicet, atque post
ipsum quique denominati, paterno seu avito jure Richar-
di. Illorum quippe Ducaminis principatum fuit metropolis
civitas ROTOMAGVM. Et quæ plura ibi sequuntur de
Ducatu Normanniæ inde suscitato. conf. & Th. Cra-
gium, *Lib. Feudor.* pag. 30.

Stat. corrup-
tius

§. XXII. Describit porro autor Carminis sta-
tum corruptum Franciæ occasione Nortmannicæ ser-
vitutis atque Tyrannidis. Nec ipsi tantum Norman-
ni piraticam exercentes, præcipuas urbes ac provin-
cias vastabant, sed etiam de Francis ipsis, ut solet in
ejusmodi turbis contingere, multi vel ex desperatio-
ne vel ex malitia ad hostem deficiebant., cum ipso
colludentes, variisque criminibus noxii. De his ait:
Sume sar verlorane, i. alii Francorum statim defece-
rant ad hostem, latrocinis suis securitatem quæren-
tes. De quibus jam tum sub Carolo Calvo Servat.
Lupus Abbas Ferrariensis Epistolâ CIV. conquestus:
*In regno Caroli Regis nostri novis exortis rebus, impune
latrocinia committuntur, & nihil securius atque constan-
tius quàm rapinarum violentia frequentatur. Talis igitur
est commicantium querenda societas, quorum numero
atque virtute improborum factio evitetur, aut si necesse
fuerit, repellatur.* Hæc improborum factio est illo-
rum perditorum, *verlorane*, quos nosse vocat, qui
mox alios plures in suas partes trahere tentarunt, at-
que sollicitare: unde sequitur,

nurdun sum erkorane,
fuerunt alii attentati.

Koron

Koron enim ut ante visum, tentare, attentare, sollici-
tare ac seducere significat. Unde composita, *bikoron,*
gakoron, erkoron.

§. XXIII.

§. XXXII. At ita sollicitati si cum improbis non voluissent facere, variis contumeliis fuisse affectos, ait:

*Haranscara tholota
sher et missi lebeta.*

Haranscara

Contumeliam patiebatur

quicumque ab ipsis seorsim secusque viveret.

HARANSCARA vox composita ex *Har*, crinis, & *Skerin*, abscindere, radere: Itaque significat primò tonsuram capillorum, & consequenter speciem poenæ ignominiosæ & servilis. Et denique latius pro omni vexatione, quæ scurris solet fieri. Kero: *Skerin*, *Scerne*, *Skerneßkern*, *sturrilitas*. Glossæ Lipsii: *Scerni*, *subfannatio*. *Scern*, *illusio*. Quâ voce hodieque vulgus nostrum in ea notione utitur. Poenæ illa species in Legibus nostris etiam vocatur *Har abslahem*. itemque *Haur und Haar abslahen*, i. e. tonsum fustigare. Quod etiam *scheren und villen* vocatur. Leges priscae Argentoratenses: *Suver da urschuldet. das man scheren und villen sol. das sol der Stokuverter inn.* i. Siquis dampnationem pellis & pili acceperit, hanc poenam cypparius infliget. De hac poena Kapitulare L. Caroli M. an. 809. *Si servus* (forbannitum suscepit) *centum viginti ictus accipiat, & insuper dimidium caput ejus tondeatur.* Luitprandus Rex Longobardorum Lib. I. Tit. XXV. c. 63. de poena furti: *Si talis persona fuerit, ut non habeat, unde ipsum componere debeat, judex debet eum dare in manibus illius, cui furtum fecerit, & ipse de eo faciat, quod voluerit: & si postea ipse iterum in furto tentus fuerit, DECALVET eum, & CÆDAT per disciplinam, sicut decet furem, & ponat*

in eo signum in frontem & in facie. Pax publica Alsatiae an. 1051. Hagenor sancita sub Henrico III. Imp. *Siquis scli unius aut duorum pretii furtum aut pradam fecerit, CORIVM cum CAPILLIS perdat.*

- §. XXIV. Ipsa hæc vox Haranscara reperitur etiam in rescripto Henrici IV. Imper. ad Episcopum Bambergensem an. 1056. ubi intercedit pro milite, ut huic illam *HARANSCARAM cum vadimonio, quam vobis iurejur. promissu, dimittatis.* Quam quidem scripturam perperam factam putavit Du Fresne in Glossar. h. v. sed arbitror vocem hanc Teutonicam scriptores Teutonicos rectius scripsisse, quàm aliarum nationum scriptores. Unde potius crediderim in Capitularibus linguâ provinciali aut Latinâ perperam scribi *Harmiscara, Armiscara, Harmscara, Aruscara, & Harniscara*, quæ postrema lectio punctum tantum transponit, *Harinscara* quod ipsum est nostrum *Haranscara*. Perperam etiam legitur apud Reginon. L. 1. de Eccl. Discipl. c. 241. si. *Nos decernamus, utrum nobis placeat, ut illum bannum persolvant, aut aliam harinscaram sustineant.* i. poenam. Ex quo loco videtur collegisse Sirmondus, hac voce denotari poenam arbitriam, quod & Hildebrandus secutus. Lindebrogius notat vulgarem lectionem esse, *Ariscadam*. Aliud autem est *Ariscada*, compositum ex *Ari* honor, chre, & *scada* damnum, multa, schaden. Quod rectè Speelmannus interpretatus *pœnam infamiae*, poenam ignominiosam, quod nostrates vocant *einen spott*, quod noceat honori & famæ. Amerpachius defensurus lectionem *Armiscara*, interpretatur quasi forcipem brachii, quæ interpretatio planè ridicula. At carmen hoc nostrum & genuinam scriptionem monstrat, &
- signi-

Ariscada

significationem quoque primavâ laxiorem, de quo-
vis ignominiarum & contumeliarum genere.

§. XXV. *Ther ther thanne thiob unas.* Pergit in
eodem argumento corrupti status publici. *Thiob*, ho-
die Dieb vocamus, h. e. furem, sed veteribus furem
improbiorem etiam significavit, h. e. latronem, la-
trunculum, raptorem. Otfrid. L. 2. c. XI, 47. quod
mercantes Domum DEI speluncam latronum fece-
rint, ita reddit:

*Thiob
latro*

Nu duent iz man ginnage

xi scabero luage.

xi thiobo anauelti.

Nunc fecistis eam abunde

Sicariorum speluncam,

Latronum latibulum.

Hic imprimis ad latrocinia, quæ tum ut ex Lupo an-
te ostendimus, impunè fiebant, reflectit Poëta, quan-
quam etiam generatim homines nequam, & præfer-
tim proditores patriæ complectitur. Id enim innuit,
hujus farinae homines, vasallos aut præfectos relicto
Domino suo, commodum privatum publico prætu-
lisse, castra quæ tenuerunt, hostibus Normannis pro-
didisse, ac vicissim emolumenta sua cepisse, auctos-
que fuisse. Quales homines jamtum tempore Ca-
roli Calvi extiterunt. Nomenoius Dux Britonum,
Ludovico Imp. & Carolo filio adhæserat, sed regnum
affectans in Britannia auctore Lamberto Comite
Nannetenſi, Andegavis & vicina eis circumquaque
loca pervaserat, Episcopos legitimos expulerat, fures
& latrones introduxerat, qua de re legenda S. Lupi
epistola LXXXIV. eodem tempore quo Normanni in-

ter Burdegalam & Santones eruptionem fecerant, idem *Lap. Epist. XXXI.* & ibi St. Baluz.

§. XXVI. Itaque & seculares & ecclesiastici pariter istis turbis Normannicis fures & latrones notantur: atque ex rapinis suis ac sceleribus magnas cepisse vires, & evasisse GOVDMANS. Gothis: *Goda-kunds*, nobilis, *dux*. Levoldus de Northof in Chron. Comit. de Marka an. 1262. pag. 389. *Capti sunt usque ad numerum XXC. bonorum hominum vel circiter militarium.* Ubi H. Meibomius observat, *Gudemans* Majoribus nostris nominatos equestri ordinis homines, *dux* dux. Hoc loco præpotentem dehorat, sed in deteriore sensum: in quo Otfrid. r. 19, 36. *Gotenunso* de Herode utitur,

*Thar unas ther sun guato,
unz starb ther Gotenunso.*

Isthic (in Aegypto) erat filius illustris,
usque dum moreretur Tyrannus.

Fragment. MS. de bello Saracénico in Hispania Caroli M. v. 2372. vocat *gore Knechte*, strenuos milites:

*Ther site wvas under gören Knechten
Sie kunden wvöle achten.*

Mos hic erat inter strenuos milites,
pöterant bene pugnare.

Conf. si lubet C. Barth. in Britton. V. Philippid. v. 220.

§. XXVII. v. 35. *Sam falloßes.* Compositum ex *Fal*, fala, fallun, felonia, defectus, abfall, desertio, deceptio, insidiæ: & *Los.* Otfrid. ad Ludov. R. v. 60.

*Ioh bimide so Zala
thero fianto fala.*

Evi-

Evitet pericula,
hostium insidias.

Inde vulgare dicitur adhuc reliquum, *einen auf der fale ertappen*, deprehendere quem improbum, veteratorem. Et *falisch*, falsch, falsus. Itemque *Falle*, decipula. Confer. *Glossar. Du Fresne v. Fallire & Fallum.* LOS, Lofes, dolus, fraus. Glossæ Lipsii: *Lofen, dolosum. Lofin, doloso, Lofanga, dolos.* Freheri glossæ Belgicæ: *Fraudulentus, loes. dolus, Losheit. dolosè, losleke.* Itaque *Falkoses* sunt veteratores, defraudatores dolosi, proditores.

§. XXVIII. v. 36. *Ind er giburtha sib ahes.* hodie: *sich des umberheben, erheben.* Nam *Büren* est contingere, oriri, provenire, se tollere. Willeramus in Cant. Cant. pag. 65. *Ruris sib, attollit se.* Et pag. 9. *uuanan sib thas leysh geburedē,* unde hæc acerbitas provenierit. Glossæ veteres: *usburrenti, attollens.* Vide *infra v. 87.*

§. XXIX. v. 37. *Kuning uuas abruirrit.* Descripto statu populi, describitur etiam aulæ regis status. *Ernuirren* est auferre, *entfûren.* Kero: *Si arnuirrit, auferatur. Erfirtero, auferenti.* Speciatim de animi perturbatione & quasi amotione. Glossæ Lipsii:

Inferron sal, obstupefacies.

Otfrid. I: 2, 63. de malitia Satanz:

Irфирrit uuerde balo sin.

Tollatur (obstupefcatur) malitia ejus.

Rex itaque perplexus & perturbatus hîc dicitur.

v 38. *Das Richi al garris. i. e. geirret:* Totum Regnum consternatum fuit. Otfrid. II. 15, 40.

Bin ouh lib inti uuar,

Bishin ni girrat ir shar.

Ego

Ego sum vita & veritas,
Propterea non aberratis hîc (in me)
Et lib. 3: 26, 8ⁱ.

*So sint se alle girrit,
thes nuiges gimerrit.*
Sic sunt illi omnes perplexi
prælio illigati.

Sic hodieque dicimus de perplexo & consternato, *Er ist ganz irre vuerden.*

§. XXX. v. 39. *Was ehrbolgan Krift.* Achilles Gassarus in Dictionariolo Otfrido à Flacio præfixo: *Irbalg, verbarg, Irbolgan, verberge, verhalte* i. e. *se abscondere.* Intendit Achilles ille sine dubio locum Otfridi IV. 33, 1.

*Sunna irbalg sih thrato,
Sulichero dato.*

Sol. abscondit se penitus
tali facinore.

Sed rectius transfertur, Sol indignatus vehementer tali facinori. Nam *irbalgan* est irasci, & ex indignatione consequenter aspectu non dignari. Idem Otfridus in Cantic. Esaïæ cap. XII. *Ih lobon dih Trohtin, uuanda du mir irbolgon uuare in demo ahtesale.* i. confitebor tibi Domine, quoniam iratus mihi eras in hac calamitate. Idem Evangel. L. V. 8, 116.

*Freuuida zi libe
Ni sit irbolgan unibe.*

Lætificati ad vitam
ne sitis irati mulieri. (Evæ)

Abulges-dag, dies iræ, idem V. 19, 46. Et vulgus Argentoratense *balgen* usurpat pro irasci, *erzürnen*. Dicitur igitur hîc Salvator abscondisse faciem suam præ ira,

ira, & permisisse tyrannidem Normannorum in pop-
nam. In quam sententiam & Regino Chron. ann. 881
ait: *Sed conatus ejus (Caroli Grassi) parum effectum obti-*
nuit, quanquam ut diximus, ex diversis regnis & gentibus
inastimabilis multitudo in unum conflavit, indignatione
cœlesti super Populum Christianum religionem prophane-
tem deseruente. Idem ann. seq. de Normannorum
successibus: *Sic omnipotens DEVS iratus regno Lotharii*
adversabatur, & salibus incrementorum eladit: vires
ejusdem regni radicitus exterminabat, ut prophetia san-
ctissimi Nicolai Papæ, simul etiam maledictum quod super
idem regnum protulerat, adimpleretur. Sed & antea
regnante Carolo Calvo Episcopi Synodi Meldensis
conquesti: *Quarsum ex convenientia in pradieto con-*
ventu captum, & in Verno palatio perpetratum; sed in-
vidiâ ac malitiâ diaboli seu ministrorum ejus, nondum
Principis & populi auribus propalatum. Inde verò, quia,
sicut necesse fuerat, divinis jussionibus non est secuta ob-
dientia, dedit Dominus ab Aquilone, unde, juxta Prophe-
tam, pandetur omne malum, dignos meritis nostris aposto-
los, crudeles scilicet & immanissimos Christianitatis per-
secutores Northmannos.

§. XXXI. *Leid her thez ingaldiz.*

Ingaldiz est & obscurissima vox & planè suspecta. Con-
venientior lectio esset: *thekin galdiz.* Sed quid Gal-
diz sit æquè obscurum. Gothis & Svecis celebratur
Arafna Galdur östins, i. e. Incantamentum Corvinum
Odini. Itemque *Grön-Galdur, or höngöl synesinum dæurb*
i. e. Incantamentum Groæ quod mortuo filio ceci-
nit. Ita interpretati olim hoc, sed vox Incantate
medie Latinitatis scriptoribus non accipitur de actu
Magico: nec enim tantum jamtum Lampridius dixit,

G

Car=

Carmina profana incantare. Sed & Gloss. Gr. Latin. habet: *ἰνᾶν*, incanto, præcanto. Et *Incantare* apud Italos & Gallos est idem quod publicè vendere, vel sub hasta, vel per præconem, *durch öffentlichen anruff*; id quod hodieque alicubi cantando fieri solet. *Conf. Glossar. Du Fresn. v. Incantare.* J. Lipsius in Glossis suis habet: *Galenderi, incantantis.* Glossæ antiquæ MSS. Du Fresnii: *Galantes, sperantes.* Sed hæ significationes alienæ omnino videntur. Boxhornii Dictionarium Britannicum: *Galanas, inimicitia, homicidium.*

§. XXXII. Quare dum nihil certi adhuc de hoc vocabulo constitui possit, malui sensum exprimere, donec ex MS. ipso verior lectio, aut ex locis auctorum parallelis significatio vera eruatur: conjecturis interim contenti sumus, oportet. Arbitror itaque esse antiquam vocem *Gald*, vel *Gvvald*, *Walt*, potentia, tyrannis. . *Kero: uualtatem, potentibus.* Glossa Lipsii *uualdan sal, dominabitur.* Gothis *gavvaldan*, dominari. Marci X. 42. *thai mikilans ize gavvaldand im.* AngloSaxones: *hyra caldras anuueald ofer hi habbath.* i. Principes eorum potestatem habent ipsorum. Otfridus I: 27, 18. *thie richun lantvualton*, i. divites terræ procures. *Ingaldiz* posset tandem esse compositum, ut *Indati*, unthaten, *Inziht*, unzucht, frevel. Itaque *Ingaldiz*, impotentia animi i. tyrannis.

§. XXXIII. v. 44. *Tharot.* videtur legendum *tharort*, eò loci, *therer orte, thes orts.* Sic *Widerort*, retorsum, *Osfrid. I: XI, 41. c. XXII, 58.* itemque *Heimorzes*, domum, *Idem I: 21, 7.* Sic *Frammordes*, *Frammers*, porro, in posterum. Formula vetus Confessionis Ecclesiasticæ: *Inti gerro buazzin frammers.* i. & cupio emendare deinceps. Formula foederis pacis inter Ludovicum.

cum & Carolum Reges, fratres, an. 842. *Fon thesme dage frammodes*, ab hoc die in posterum.

§. XXXIV. *Ritan*, equitare. Glossæ veteres: *Ritante, equites. Ritin in genuesfin*, equitare in armis, *Rhythm. de S. Annone* §. 9. Hic speciatim denotat Expeditionem suscipere bellicam. *Reite*, expeditio: quæ & Latine Equitatio dicitur in charta apud Du Fresn. *Glossar. v. Vexill. S. Martini*. Jus vetus Argentor. c. XLIX. *Suven der Bischof fert des Keisers reite*. i. quando Episcopus iverit in expeditionem Imperatoris. Cui opponitur *zu hofe varen*. c. L. *Suvenne der Bischof zu des Keisers hof vert oder herverte*, i. quoties Episcopus in Imperatoris Curiam vel expeditionem iverit. Hinc *Reislehen*, feudum quod debet servitia militaria; cui opponitur *Seslehen*, feudum cuius possessor non tenetur in expeditionem ire, sed vel castrum aliquod defendere, quod speciatim *Burglehn* dicitur, vel in conventibus, Domini vices gerere, vel alia præstare præter expeditionem bellicam. Neque *ritan* duntaxat notat equo vehi, sed & curru: ut & hodieque Helvetiis & Austriacis est in usu, itemque Belgis, *mes de vvagen ryden*. Unde *Reidevvagonen*, curribus, Cantic. Willeram cap. 1, 9. *ih habo dih, friuntin min, geebenmazzot minemo reitgefinde an den reitvvagenon Pharaonis*. i. e. Assimilavi te, Amica mea, equitatu meo in curribus Pharaonis. Hinc vox Gallica Celtica *Petorritum*. Festus: *Petorritum, & Gallicum vehiculum esse, & nomen ejus dictum existimant à numero quatuor rotarum. Alii Osce, quod ii quoque PETORA quatuor vocent. Alii Græcè sed διωνιόν dictum*. Verùm evincit Agellius Lib. XV. c. 30. ex Lib. XIV. Rer. Divin. M. Varronis, esse id verbum Gallicum & totum

trans alpibus factum. Boxhornius Lexic. Bittan. *Peduar*, *quænor*. Rhedeg, *currete*. *Blacurhad*, *præcur-
sor*. Facit denique huc ad Equitationem Francorum,
quod Annales Fuldenses ann. 891. *Francis paderensim*
(pedatim, zu fufs) certate *institutum est*. Arnulphi
imp. tamen verbis incitati, pedestre bellum aggressi con-
tra Nordmannos & Danos, prius Regem flagitantes ut
exiguendo eos procuraret ne quid eis pugnantis à sergo im-
minis inimicorum timendam sit.

§. XXXV. v. 47. *Heigan* sa Nordman haroo bi-
Heigan. Heigen, Eigen, habere. Kero: *Eigit*, ha-
bet. *Eigun*, habent. Otfrid. i. 18, 46. *nur eigan es fir-
tuzun*. i. deseruimus.

v. 51. *Dot ni resten mir iz*. Retten est defendere. sed
ut defendere duo denotat, & prohibere ne hostis mo-
lestet, & molestantem jam arcere, *Vide Glossar. Du Fresne*
D. Ita & Retten hodie in posteriori significato usurpa-
tur. Hic prohibendi notationem habet.

§. XXXVI. GVNDFANON. *Fanon* in genere
est fascia, linteum, pannus. Lex Alemannorum Tit.
LIX. 6. *Medicus cum pinna aut fanone tetigit*. Tit.
LXXXIX. *involvat in fanone & ponat sigillum*. Gothi-
ca versio: *Plat faninsningis*, assumentum panni novi.
Marc. 2, 21. De Fanonibus Offertoriis Du Fresn. in
Glossar. Hic significat fasciam alligatam fusti aut
perticæ vel hâstæ, ad militem ducendum. Porro
Gundfano, Glossæ veteres scribunt per Ch. *Chundfano*,
vexilla. Chunden, Kunden est indicare, denuncia-
re, signum dare, ut Turcarum Cauda equina. Itaque
Gundfan est propriè Vexillum classicum, index belli.
Aliàs *Herifanon*, Banner, Panier: *Banerherren*, Ba-
neresii. *Sturmfan* item. Albertus Argentin. an. 1349.
Carolus Rex hoc audito statim banerium suum, quod dici-

tur

sur Sturmfan, *saper turrim Ecclesia Spirensis constantis.*
 Mos vetus hinc liquet, quod Imperator vel Rex ipse pri-
 mus vexillum sustulerit, quod postea Gundfanonario
 commisit. De Gundfanonariis *Glossar. Du Fresne &*
Origines Franc. Casenœvii voc. Goufanon. & Goufan-
nier. ubi tamen Chundfanon & Wiffa non sunt con-
 fundenda; quum Wiffa sive Wippa etiam sint pri-
 vatorum extra usum armorum & bellicum, & gene-
 ratim denotat Signum & insignia quoque sive arma,
 ein Wapen, ut symbolum proprietatis vel possessio-
 nis. Wiffare, laisir, besteecken.

§. XXXVII. v. 35. *Reit her thara in Frankon.*
 Profectionem sive Expeditionem Ludovici R. Gallie
 anno quo idem Rex obiit, breviter describit Regino,
 cujus verba antea jam §. 3. adducta, una cum relatis
 ex Annalibus Fuldensibus & Bedæ continuatore. Sed
 Sedalkurch & pagus Viminacus ad Sequanam situs,
 ubi hæc victoria obtenta. Nam Nortmanni qui an-
 no 881. in loco qui dicitur Haslou juxta Mosam con-
 sederant, Sonum fluvium intrarunt, ibique consede-
 runt usque ad ann. 884. ubi mortuo Ludovico à Ca-
 rolomanno fratre accepta pecuniâ marina litora re-
 petierunt, ut habent verba Reginonis. Ludovicus er-
 go ex Gallia profectus eos aggressus ad fluvium Sonum
 sive Sequanam, quum ibi creberrimas incursiones,
 ut loquitur idem Regino, facerent, præsertim in Bel-
 gium Gallicum, Rotomagensem pagum & viciniam.
 Hoc est quod Noster ait expeditionem Regem suscep-
 sisse in Franciam scilicet Occiduam & Belgium Gal-
 licum in pago Viminaco, ad villam Sedalkirch.

§. XXXVIII. v. 39. *Hin al. Framin.* Videtur le-
 gendum *Hie al.* hîc omnes, Domine, Te expectamus.

vel *Hinan*. Fragm. MS. Carminis de Bell. Car. M. Saracenicum v. 1278. *hinen mere*, hinfüro, deinceps. Sed nihil muto. *Hin, hina, hine, hinen*, promiscuè usurpata. Fuit formula aggreddientis aliquid in nomine Domini. Sicut hodie dicimus: *Walt's Got. Alfromin, from* bonus, *alfromin*, optimus; est itaque *alfromin*, mi optime. Ita apud Otfridum L. I. c. 5, 69. S. Maria alloquitur Archangelum:

*Vuannana ist iz, Fromin,
thaz ih es uuirdig bin.*

Quandoquidem sic est, Domine, (mi Bone)
quòd ego digna sim &c.

Sic & alia Maria ad angelos sepulchrales lib. V. 7, 69.

Bithiu, Fromin, sô ih in redinon.

Propterea, Domini mei, quod vobis dico.

Et v. 97. ad hortulanum:

Fromin, dua miu unis.

Domine fac me certiolem.

v. 63.

§. XXXIX. Ludovicus Rex pius, exhibetur porro, precatione brevi ad DEVM effusâ pro spe victoriæ, ut concionatur militi pro more Ducum militarium, & ad imitationem Poëtarum veterum, ad incitandos militum animos. Ait; *Trostet hiu*. Pro *hiu* Francico & Belgico Alemanni dixerunt *iu*, vos *euch*, Trosten est consolari, *Trostet iu*, sive *sih trosten*, est *ei ne courage ein hertz fassen*, quasi dicat: Fortes estote. Sic alloquitur Rex *die Gefellion*, commilitones, vasallos, subditos suos. Possit quis opinari, latere hîc etymon vocis *Vasallorum*. Sed magis est, ut dicamus, vocabulum *Vasallorum* diminutivum esse à *Bassus*, *Vassus*, id est subvassus, bassus minor, quum in Capitulis

Trosten sih.

Gefellion

tulis Karolinis *Bassus* vasallum majorem & Capitaneum denotet.

§. XL. NOTSTALLON, constabularios reddidi. Stall à Stabulo dictum, Staplum, Staplus, Stapel, Staphel, Synonyma prisca. Imprimis verò Stabulum, Stall fuit equorum, atque *καὶ ἵππων* regium, hinc Comes stabuli, l. 3. *C. Th. de equor. conlat.* & corruptè *Constabulus*. Regino an. 807. *Burchardum comitem stabuli sui, quem corruptè Constabulum* appellamus. Itaque dignitas hæc Constabulariorum primò Palatina fuit, *Stallmeister*: atque apud Impp. CPolitanos etiam *Κοροναύλος* appellarunt, qui præerant Francis ad palatii custodiam, pro more, additis. Mox in militarem quoque dignitatem translata, & is, qui aliàs Tribunus militum, dictus Comes Stabuli: isque porro tum in castris, tum in urbibus, qui harum custodiæ adhibiti. Concilium Turonense ann. 1163. c. 10. *In villis vel urbibus vel castellis, quæ Regis subsunt dominio, in quibus Constabularii ad tempus statuuntur.* Tertiò etiam ad Tribunalia hoc dignitatis vocabulum extensum, & *Staplus* significat Palatium, Mallum, locum judicii. Lex Ripuariorum Tit. XXXIII. §. 1. *Si extra regnum ad regis staplum vel ad eum locum ubi malus est, auctorem suum in prasente habeat.* Du Fresne *Glossar. v. Staplus*. A qua notatione Constabularii Argentoratenses denominati, vulgò *Constoffler*, Equites & Nobiles ab initio urbis non tantum ad custodiendam & defendendam eam adversus hostium vim constituti, sed etiam ad jus dicendum in Palatio regio, quod hodieque inde nomen retinet, *die Pfalz*. Brovver. *Lib. VIII. Annal. Trever.* à Stapholo, gradu, *staffel*, deducit, quod per gradus ad tribunalia ascendamus:

Stall, Constabulus.

Constabularius
1.

2.

3.

Constoffler

damus: sed magis est, quod diximus, quàm ut hybridam vocem sine necessitate fingamus. Denique & vox Constofel Argentoratensibus non præcisè illos denotant Nobiles, qui Senatores sunt, & graduum tribunalis participes, sed imò & iis contradistinguuntur. Constitutio Argentor. vetus cap. CXXXV. § 6. *die Constofeler vvenne so ein geschelle vvirt, so sullen sie in ire Constofelle bliben bi demselben eyde, one die des Rotet sint.* Et alia, cujus Rubrica: *das nieman von den Antwerpen zu den Constofelen kommen soll*, ea est Seculi XV. Hi etiam simpliciter dicti Stallarii, Stallerre, i. e. Stallhere, Stallherr. Vid. Glossaria Speelmanni & Du Fresne voc. Stallar. & Comes Stabuli.

§. XLI. NOTSTALLON cur hic dicantur, non æquè liquet. Est autem *Nos, nosi*, & veteribus & nobis quoque necessitas & obligatio imprimis in periculis, angustiis. Itaque Notstallon sunt Stallarii necessarii, h. e. equites, milites, vasalli, qui etiam non requisiti à domino, si modò sciant ei magnum periculum imminere, ultro, sine requisitione, obligati sunt adiutorium suum ei præstare, ut loquitur Oberus ab Orto 2. F. 26. §. *licet*. Fragmentum MS. de bello Caroli M. in Hispania contra Sarracenos, v. 2537.

Tho wohten vvole thie Cristenen.

also sie Got vvolde fristen.

Thie vwaren Godes strangen.

thie lieuen Notgestallen.

Tunc pugnarunt benè Christiani.

sicut eos DEUS volebat conservare.

Hi erant DEI strenui,

dilecti vasalli, milites necessarii.

F. v. 2640. de milite Sarraceno victo:

Sic

Stemma Genealogicum LVDOVICI Regis
Franciæ Occiduae.

CAROLVS M.

LVDOVICVS PIVS

ob. 840. XII. Kal. Jul.

Lotharius Imp.

ob. 855.

Pipinus.

LVDOVICVS I. Rex Germ.

ob. 875. V. Kal. Sept.

Carolus Calvus. Imp.

an. 875. ob. 877. 6. Oct.

Ludovicus II. Imp. ob. 875. Lotharius R. Lotharingiæ. ob. 899. Carolus. Rex Provinciæ ob. 863.

Hugo ex Walthrada.

Pipinus.

Carolomannus. R. Bavarie ult. ob. 880. LVDOVICVS II. R. German. Victor Normannorum juxta Carbonariam, an. 880. ob. 882, M. Aug. Carolus Craffus Imp. 880. ob. 888. Idib. Jan.

Arnulphus. Imp. 888. ob. 900.

Ludovicus III. R. German. nat. 893.

Ludovicus Balbus Imp. ob. 878. M. Octob.

LVDOVICVS Rex Franciæ Occid. Victor Normannorū an. 883. in loco Sodalciurch. De quo præsens Carmen. Carolomannus Rex Burgund. & Aquitan. Carolus simplex.

ex Concubina

ex Regina.

V. Regin. p. 57.

A. 878.



*Sie waren rehte notgestallen
thurh not mösen wullen.*

Erant veri notgestallen,
ex necessitate debebant cadere.

Ita *Notenwerch*, angariam interpretantur Glossæ veteres. *Noterbe* hodieq; suus heres, sive necessarius, qui ex necessitate juris debet institui saltem quoad legitimam.

§. XLII. v. 67. Rectè porro atque ordine bellum contra Normannos suscepit Ludovicus ex auspicio divino & consilio Ordinum & vassallorum. Id enim requirebat iamtum Pax Confluentana ante viginti tunc annos & quod excurrit inter Carolum avum & Ludovicum I. Regem Germaniæ condita, cap. X. *Vt nostri Fideles unusquisque in suo ordine & statu veraciter sint de nobis securi.* — Illorum, scilicet veraciter nobis fidelium communi consilio — assensum præbimus in hoc, ut illi non solum non sint nobis contradicentes & resistentes ad ista exsequenda, verum etiam sic sint nobis fideles & obediētes ac veri adiutores atque cooperatores vero consilio & sincero auxilio ad ista peragenda, qua præmissimus, sicut per rectum unusquisque in suo ordine & statu, suo Principi & suo Seniori esse debet.

§. XLIII. v. 68. 70. *Hier, her, heri*, promiscuè usurpata pro exercitu, *beer*, hodie. *Gincerri*, neriēn præcis liberare. Otfrid. 2: 7, 25. de Agno DEI: *Thaz thiu liuti merita*. qui homines salvaret. Item 1: 5, 108.

Noh wuinkil untar himile.

thar er sih ginerie.

Nec angulus (est) sub cœlo,
quo sese eriperet.

Idem Lib. 2: 14, ult. & L. V. c. 19, 28, & ult.

v. 72. *Godes Holdan*. DEI Fideles compellat vassallos

H

suos,

suos, qui bellum contra infideles pro religione & Ecclesia gererent. Otfrid. V. 22, 541.

Thie holdun scalka rhine.

Fideles servos tuos.

Neq; quis Heroes interpretetur, hos enim *Helethe* olim appellarunt. Carmen laudatum de bello Carolino

V, 23. *Vuir komen nah ihme zo Achen,*

the gebiete er sine sprache

mit uüñf hunderet helethe,

köne unde eshele.

Veniamus ad eum Aquisgranum,

ibi edicat suum Colloquium (Comitia)

Quingentis heroibus,

Fortibus & generosis.

De illo bello Annales Francici literis Gothicis descripti & à Lambecio editi *Lib. 2, Biblioth. Caf. pag. 365. & 372. XI. Annales Pithai & Freheri ad ann. 778.* Eginhardus *in vita Caroli M.* & Anonym. *in vita Ludovici Pii c. 1.* De eodem & fortè etiam illo ipso libro sive Carmine Andreas Presbyter Ratispon. *in Chron. Bavar. pag. 13.* ubi historiam breviter enarrat ex Speculi Historialis libro XXV. Itemq; ex libro quodam vulgari collectam. *librum vulgarem* intelligo vulgari linguâ h. e. vernaculâ seu Teutonicâ conscriptum. quem & ipsum DEO concedente & otio suppeditato ex duobus MSS. egregiis Archivi Argentoratensis edemus.

§. XLIV. v. 73. *Giskerit ist thin hieruunif.* Confortaturus Rex imperator animos suorum, Ludovicus, ait, mortem non esse metuendam, quum vita nostra dependeat à Christi jussu ac nutu. *Hieruunif*, q. d. hiervvesen, hiersein, Nostrum hîc-esse. Kero: *Vuifit*, fuerit. *Duruuunif*, perseveraverit. *Giskerin*, donare

nare, largiri, hodie Bescheren. obsoletum est *Skeren*, dare. Porro rationem subjicit, quod ossa nostra DEVS custodiat post mortem. Sic enim legendum v. 76. *giuuacht*, hodie *beuvacht*, custodit. *Vuacta*, vigilia. Alludit autem ad textum SS. Scripturæ Psalm. XXXIII. 21. *Custodit DOMINVS omnia ossa eorum: unum ex his non conteretur.*

v. 77. & 84. *Ellian*, & *Ellianlicho*, festinatio, alacritas, festinanter, alacriter. Kero & Otfridus dicunt *Ilen*, nos *eilen*.

§. XLV. v. 81. *Bilibit*, hodie: *bleibs er im trefsen*: sin moriatur in prælio. Otfrid. 3: 23, 98. de morte Lazari:

*Er selbo meinta amur thaz,
thaz er tho biliban uuas.
Ih unille in iz zellen quad er ér,
Ist Lazarus bilibaner.*

i. e. Ipse verò designabat hoc,
quod mortuus esset:

Volo vobis dicere, respondit Ipse:
Lazarus mortuus est.

Liber Salicus MS. Monasterii Ebersheim. cap. de iudicio mortuorum: *Svva ein meiger blibet der des Goteshuses ist, der git zuene velle deme Goteshusen, von dem Libe das beste. darnach das beste von dem ambachse h. e. Si villicus moritur.*

v. 82. *Kunnie*, familiæ, uxori & liberis atque cognatis. Otfrid. 1: 9, 41. de S. Johannis nominis impositione:

*Ni uuas in ther namo nami
In thinemo kunne.*

Non fuit hoc nomine nominatus
in tua familia (quisquam.)

Et esp. seq. v. II.

*In Runne eines Kuninges;
sines drue theganes.*

In familia Regis
fidelis servi ejus. (Davidis)

*Cantus mili-
tari.*

§. XLVI. v. 92. *Sang lioth frano.* cantavit Li-
taniam. *Lioth*, canticum, hodie Lied. Otfrid, Lib. 4:
4, 107. de Hosianna:

*Thses liedes unuma
al einera stimma.*

hujus cantici gaudium

omnes unâ voce. (cantarunt)

Apud Svecos celebre adhuc Poëma Sæmundi Multri-
fcii, dictum *Sôlar-lioth*, Solis carmen. *Wiblieth*, de
exercitu Sarracenorum Fragn. antea laudatum de
bello Carolino v. 2355.

*Sinen thufens horn tha nora clungen.
Ire vvibliet sis sungem.*

i. e. Septem mille buccinæ hîc præcinebant.

Cantica sua sacra cantabant.

FRONO vel *Frano* & publicum & sacrum denotat. Ita-
que vocabulo *liothfrono* eleganter exprimitur vox
Græcanica LITANIA h. e. preces publicæ & sacrae,
l. 3. C. de heret. & l. 30. C. Th. eod. Novell. *Instin.* CXXXIII.
c. 32. *Λιτή, λιτή, λιταριον, λιταρία*, litatio, deprecatio. *Aeg.*
Menag. Etymol. Gallic. De antiquissimo more Germano-
rum gentiliū, in prælia euntium ait Tacitus: *Fuisse apud*
eos & Herculem memorant, primumque omnium virorum
fortium ituri in prælia canunt. Sunt illis hæc quoque
carmina, quorum relatu, quem RARDITVM vocant, ac-
cendunt animos futuraque pugna fortunam ipso cantu au-
gurantur. terrent enim trepidantve, prout sonnis acies.

Nec

Nec tam voces illæ, quàm virtutis concentus videntur. affertur præcipuè asperitas soni, & frabam murmur obiectum ad os sentiu, quo plenior & gravior vox reperit in insensibus. Ipsa vox BARDITVS Celtica est, Gallis & Teutonibus usitata olim. Boxhornius Lex. Britann. Bard. Poëta, propheta. Bardoneg, poetica. Barddoni, poëta. Morhovius. P. 2. c. 6. & seq. de Poësi Germ. ex Jo. Saxone refert, Barr carmen olim significasse. Barditum porro carminis relatum Tacitus interpretatur, i. e. cantationem ipsam.

§. XLVII. At verò illustris hic textus nostri Poëmatis ostendit, Francos & Germanos ad Christianismum conversos loco istorum carminum, LITANIAM, KYRIELEISON, & ALLELVJA cantasse. Vide & du Fresne Glossar. v. Kyriel. ubi & locum de miraculis S. Berlendis allegat: *Omnibus clericis Hymnum continentibus, — Laicis verò Kyrieles celebrantibus.* quod de clero ibi dicitur, id in nostro camine de Rege, ut Kyrieles de milite. Huc facit & Poëma Classicum de victoria Henrici Aucupis Imp. quod edidit Morhov. de Lingu. & Poësi Germ. P. 2. c. 7. pag. 344.

Kyrieleson.

*Pidi pom pom pom,
Lerm, lerm, lerm, lerm,
Sich keiner herm.
Drom drari drom.*

Kyrieleson.

Idem & hunc Danorum veterum morem allegat ex Chron. Norvveg. veteri: eoque trahit locum S. Augustini de Gothis Epist. 178. *Si hora armen, Domine miserere,* quod corruptum censet rex Herre dich forbar-me. Sed unica literula tantum mutanda: *Si Heru ar-*

men, i. e. Sis DOMINE miserens sive misericors. *Armen* misereri est. Gothica versio Matth. X. 48. *Armai mik*, miserere mei. AngloSaxones *Osearmin*, misereri, erbarmen.

§ XLVIII. De Alleluja testatur Beda *Lib. 1. Eccl. Hist. Anglic. cap. XX.* ait: *Tunc subito Germanus signifer universos admonet & pradicat, ut voci sua uno clamore respondeant, securusque hostibus, qui se insperatos adesse considerent, ALLELUIA tertio repetitum Sacerdotes exclamabant. Sequitur una vox omnium, & elatum clamorem percussu aëre montium conclusa multiplicans: hostile agmen terrore prostrernitur. Facit & huc idem Beda c. XXVI. Fertur inquit, quod appropinquantes civitati, more suo, cum Cruce sancta, & imagine magni Regis D. N. I. C. hanc Letaniam consona voce modularentur:*

Deprecamur TE DOMINE in omni misericordia tua ut auferatur furor tuus & ira tua à civitate ista & de Domo Sancta tua, quoniam peccavimus. Alleluja.

Porro cantarunt Majores in prælium ituri etiam Hymnum Angelicum: *Gloria in excelsis*. *Fragm. MS. de Bell. Saracen v. 3175.* post relatam Turpini Episcopi concionem ad militem, quâ etiam ad piam mortem animos militum præpararet:

Hiute gesehe vvir unseren Herren.

Tha sin vvir iemer mer uro.

Sequitur acclamatio militum:

Sie sungen Gloria in excelsis DEO.

i. e. Hodie videbimus Dominum nostrum.

Ibi erimus perpetuo lætabundi,

Cantabant: Gloria in exc. DEO.

§ XLIX. Denique & SS. Synaxi se præmunierunt. Idem *Fragm. v. 1930.*

Tho

Tho thie helete uernamen
thaz thie haithene mit samenunge uuaren.

Sie basen ire Euvarten
thaz sie sih gareten.

Zo ire ambafte sie giengen.
Godes lichamen sie entpfengen.
Sie sohten ire uenie.

Sie riefen hine ze himile.
Zo uile manegen stunden.
Sie maneten Got siner uuunde.
tha er sine mite erloste.
thaz er sie getroste.

Thaz er in ire funde uergene
unde selue ire urkunde uvere.
Mit pihte sie sih bevvaren.

Zo theme tothe sie sih gareten.
unde uuaren ithoh göse knehte.
Zo there martere gerehte.
there sele ze uvegene.

Thie uuaren Godes thegene.
Sie ne uuolten niht entrinnen.
Sie uuolten gerne uuither gewinnen
thaz unfer also erbe.

Tharnah streueten thie heleshe.
Ia uuaren thie herern ethele.
in Cristen licheme leuene.

i. e. Cum hoc heroes (nostri) cognoscerent,
quod gentiles colligendo milite occupa-
rentur,
Rogabant ipsorum Sacerdotes
ut se prępararent.

Of.

Officium suum obirent.
 Corpus Divinum offerrent.
 (Itaque) quærebant illi veniam suam.
 ibat clamor cœlo,
 per aliquot horas
 Admonebant DEVM vulnere suorum,
 Quibus eos redemisset;
 ut eosdem consolaretur,
 Et peccata ipsorum iis remitteret,
 Et ipse testis (intercessor) ipsorum esset.
 Confessione sese confortabant.
 ad mortem se præparabant.
 Erant nihilo tamen minus boni milites,
 ad tale martyrium prompti,
 Vitam suam in periculum conjicere.
 Hi veri DEI servi.
 Qui Nolebant effugere.
 Malebant recuperare
 Vetus nostrum patrimonium.
 Eò contendebant hi Heroës.
 Et erant hi domini nobiles.
 In Christi corpore vividi.

§. L. v. 96. *Vuig*, prælium, pugna, bellum.
 Glossæ Lipsii: *Vuig, vuic, bellum, pralius*. Vetus ver-
 sio Cantici Canticorum Cap. IV. 4. *Din hals ist samo*
Davidis Wighus, da din nuere abena. angenuorht ist. Du-
sens Skilte hangent an dero nuere sinte allerlahro nuig-
geuvassene. i. *Sicut turris David collum tuum: qua edi-*
ficata est cum propugnaculis: mille clypei pendent ex ea,
omnis armatura fortium. Ubi Fr. Junius rationem de-
 nominationis à cuneo eoque militari arcessit, pag. 119.
 Glossæ veteres: *Wigant pugnator. Vurlihan, bellico-*
sum.

sum. *Wigesleida helldura. Widorwigan a stib-*
les.

v. 98. *Bluotskein inuangen spiladun der Frankon.*
i. der spielenden Franken: *exultantium & irrumpen-*
tium Francorum in Normannes. Gislel 6, 7. de S.
Johannis saltu:

10. spilata in thetunmazer

ther ira sun gwaer

Et exultavit in utero

filius eius bonus.

Laudatum Fragm. MS. de bello Saraceno v. 3003.

Tha kam ther heles Samfon,

Er stob Scarpulon

then Kunig von Iren

uil nah swome liue.

Thaz ime thaz plit ox then ogen sprang.

i. Mox adventabat heros Samfon

Percutiebat Scarpulum

Regem Irensem

multum in corpus eius,

ut sibi sanguis ex oculis profliret.

Iratis oculi cur sanguine turgescant disquiri Aristoteles
in Problemat. & vid. Erasmi Chil. 2. Cena. 1. Adag. LXX.

§. LI. v. 102. *Gothoni, congenitum. Kunnie, su-*
pra v. 82. Kero: Chunni, genus. Godebundi, divini
generis. Gothi: Kan generatio. Marc. VIII. 12. Gode-
kunds, nobilis Luc. XIX. 12.

v. 107. *Lides. Lid est flocra, hoc. potus confe-*
ctus à siceratoribus, qui cerevisiam vel panaticum sive
piraticum vel aliud quodcumque liquorem ad bibendum
capram fuerit, facere sciunt, in Kapitulare, de villis Ka-

roll M. 6. 45. id exponit. Otfridus L. i: 4, 70. de S.
Johanne Baptista:

*Ni füllet er fih unines,
oub lides niheimes.*
Non implebit se vino,
nec sicerâ ullâ.

Idem L. 2: 8, 21. de vino in Cana deficiente:

*Tho zigianc des lides,
loh brast in thar thes unines.*
Tunc consumpta erat sicera
Et deficiebat vinum,

ita enim vitiosa lectio Flaciana est emendanda. Idem
mox v. 50. de S. Maria ad ministros:

*Gibot si then far gáhun,
thiu thes lides sahun.*
Præcepit illa confestim his
qui potum observabant.
Et v. 189. *Thiu faz thiu námunn lides
Zuei odo thriu mez.*
Hydriæ istæ capiebant potûs
duas vel tres metretas.

Idem L. 4. 33, 39. de potu passionis:

*Sie 'nan oub tho qualstun,
mit exzichu drangtun;
mit bisteremo lide,
thex datun se al bi nide.*
Ipsum quoque sic tormentarunt,
aceto potarunt,
amaro potu,
Id fecerunt omne ex invidia.

§. LII. v. 108. *So uuehin bio thes libes.* Uuehin
est

est cedere, hodie pronuntiatur *Weichen*. Kero: *Vuchsalum, vicissim. Vuchsal, alternatio, permutatio, vicissitudo.*

Otfrid. V: 19, 114. de Aeternitate & extremo iudicio:

*Thar nist mizomo uniht,
ouh uuchsales nia uniht.*

Ibi non est doni (corruptionis) quicquam,
nec permutationis locus

Hio, videri possit corruptæ lectionis esse, & fortè legendum *Sie*, isti. Sed nihil dum muto: Recurrit hæc particula mox v. 115. *Garò foser hia unas.* Ubi promptitudo & prudentia Ludovici R. *hio* h. e. hic, in hoc conflictu, celebratur.

§. LIII. *Thes libes* non corpus, *thes leibs*, sed vitam, des lebens, proprie significat. Kero: *Des enuigen libes, vita aterna.* Symbolum Apostolicum Alamannicum: *Geloubò enuigen lib.* credo æternam vitam. Item: *Ich gelob nah disem lib den enuigen lib.* Credo post hanc vitam æternam vitam. Notgerus in Psalm. XXVI. *des libes ursprung, fons vita.* Glossæ Lipsii: *Liba, vita. Libes, vita.* ubi Lipsius adjicit: *Nos leue, tamen & vulgò By lijue, illo sensu.* Atque in Germania superiori hodieque ista formula interdicentis vulgò: *Bey leibe nicht*, per vitam ne facias. Sed & Edicto Imperatoris Augusti de Censu orbis Romani Otfridus inserit

*Thaz si gommen ioh unih,
in thiu si unullen haben lib.*

Fuat vir vel mulier,

Modò velint habere vitam.

Quod hodie dicimus: *Bey leib und lebens straffe.*

§. LIV. v. III. *Sag allin heitigon thume*. Sic enim legendum pro eo quod scriptum *Sab*. Quae fuerit sententia Ecclesiae Francorum de veneratione Sanctorum, pluribus docet S. Agobardus Archiepiscopus Lugdunensis *lib. de Imaginibus*, cap. 29. coævus scriptor, qui præter aliorum SS. Patrum dicta, etiam S. Augustini *Lib. XXIV. de Civ. DEI. c. X.* laudat: *Faciunt mirabilia martyres vel prius DEVS aut cooperantibus, aut orantibus eis, ut fides illa proficiat, quia eos, non deos nostros esse, sed unum DEVM nobiscum habere credamus. Denique pagani diis suis & temple statuerunt, & edificaverunt aras, & sacerdotes instituerunt, & sacrificia fecerunt. Nos autem martyribus nostris non temple, sicut diis, sed memoria sicut hominibus mortuis, quorum apud DEVM vivunt spiritus, fabricamus. Nec ibi erigimus altaria, in quibus sacrificemus martyribus, sed uni DEO & Martyrum & nostri sacrificium immolamus, ad quod sacrificium, sancti homines DEI, qui mandata in eius confessione vixerunt, suo loco & ordine nominantur, non tamen à sacerdote, qui sacrificat, invocantur, DEO quippe, non ipse sacrificat, quamvis in memoria sacrificet eorum; quia DEI sacerdos est, non illorum. Ipsam vero sacrificium, corpus est Christi, quod non offerat ipse, quia hoc sunt & ipsi. His præmissis hoc Agobardus subjicit iudicium & confessionem nomine Ecclesiae Francorum: *Hac est sincera religio, hic mos catholicorum, hac antiqua Patrum traditio; sicut etiam Libro Sacramentorum, quem Romana tenet Ecclesia, facile comprobatur. Hunc venerationis modum qui supergreditur aut relinquit, contemnit disciplinam patris sui, dimittitque legem matris suae. Idèd nec gratia capiti ejus addatur, nec torques collo. Teneatur itaque via regia. Non ponamus spem**

ſpem noſtram in homine, ſed in DEO. Et cap. XXXI. ait: Quicumque aliquam picturam vel ſuſtine ſive dubitem, adoras ſtatuum, non exhibes cultum DEO, non honoras angelos vel homines ſanctos, ſed ſimulacra veneratur. Agis hoc; nimirum verſutus & callidus humani generis inimicus, ut ſub prætextu honoris Sanctorum, rursus idola introducat, rursus per diverſas effigies adoretur. Adſpiciamus picturam quaſi picturam, vitâ, ſenſu, & ratione carentem. Paſcatur hac viſione oculus. DEUM verò veneretur animas; qui & Sanctis ſuis victoriam coronam, & nobis interceſſionis eorum tribuit adiutoria. Atque porro cap. XXXV. ait: Nec iterum ad ſua latibula fraudulenta recurrat aſtutia, ut dicat, ſe non imagines Sanctorum adorare, ſed Sanctos. Clamat enim DEUS: Gloriam meam alteri non dabo; nec laudem meam ſculptilibus. Et Apoſtolus de Domino noſtro, Mediatore DEI & hominum; Homina CHRISTO JESU: Propter quod & DEVS exaltavit illum, & dedit illi nomen, quod eſt ſuper omne nomen. Quale verò hoc nomen ſit, conſequenter expa- nis: ut in nomine JESU omne genua flectatur coeleſtium, terreſtrium &c. hanc poſſeſſorem, laudem, domi- nationem; hoc nomen quod eſt ſuper omne nomen nullus ſanctus angelus, nullus ſanctus homo ſibi uſurpat. Angelus animi qui uſurpavit, vel homo quem uſurpare ſuaſit; uterque corrumpitur. Atque hæc tunc fuit doctrina Eccleſiæ Francorum de invocatione Sanctorum; quorum hæc fit mentio, & ſecundum quam hic locus intelli- gendus.

§. LV. Porro hæc pertinent quoque laudes publicæ & ſolennes, & acclamationes Regibus ſacæ Concilium Tributienſe ann. 821. c. ult. *Omnes Gallie & Germania Principes. — & Eccleſiaſticus Ordo, DEO.*

& Principibus laudes referentes, hymnum *TE DEVM LAUDAMVS* decantabant. Atque in his solennibus acclamationibus etiam Litaniarum usus fuit. Andreas Presbyter in *Chron. Bavar.* pag. 15. de Arnulphi Imp. nepotis Ludovici Germanici ex fratre, victoria ultima de Nortmannis: *Arnolfus Imper. cum Nortmanni pessimi pagani Episcopia & monasteria Sanctorum devastarent, & Episcopos unà cum Canonicis, Monachis & Sanctimonialibus indifferenter necarent, conducto exercitu in fines Occidentalium Francorum, ubi hostes confederant, devenit. Tunc ceteris omnibus prae multitudine nimia paganorum, & ob pedestre bellum Franci catenus insilitum, desperantibus, Rex solus in Rege Regum spem suam ponens, & exhortationibus validis ad ulciscendum Christianorum sanguinem incitans milites, ipse vexillum anteferens praeliari cepit, & mox subveniente gratia DEI victoria cessit ad Christianos, ita ut amnis alveus cui infederant, & antea illis pro muro fuerat, tunc cadaveribus interceptus, universis stupentibus siccus appareret. In eo praelio cæsi sunt duo Reges Nortmannorum & Danorum, Sigefridus & Godefridus, necnon Regia signa sedecim ablata, & in Bavariam Ratisponam pro testimonio sunt transmissa. Tunc quoque Rex cum omni exercitu ad Litanias procedens, laudes magnificas DEO celebrare præcepit, qui talem suis tribuit triumphum, ut uno de parte Christianorum occiso, mille de parte paganorum perirent usque ad unum. Has laudes publicas non fuisse carmina in laudem Principis composita, quale hoc præsens est, sed meras acclamationes, asserit Du Fresne in *Glossar. voc. Laus*. Quod uti regulariter verum esse fateor, ita non video, cur fieri non possit, quò minus & hoc præsens, & fortè alia quædam illis acclamationio-*

tionibus interfēri potuerint. Denique formas Litarianum tum temporis Francis usitatas refert Alcvinus, Magister Caroli M. pag. 193. & 280.

§. LVI. v. 114. *Kuning uuas salig*, Rēx Salicus, Pius, Felix, securus. Sigismundus Imp. in Articulis militaribus belli Hussitici an. 1431. *Auch sol ein yeglicher der in die Here furet spise und trang, kaufmanschaft wvelcherley das ist, zu und ab von den Heren, sicher und selig sin vor allermenniglich.* i. e. Quilibet qui in castra eibum & potum, merces cuiuscunque generis, apportat vel reportat à castris, securus & tutus esse debet contra omnes & singulos. Hinc *Terra Salica*, quæ libera & immunis est ab oneribus ordinariis, ut feuda franca. *Franci Salici*, freye Franken, immunes ab oneribus vulgaribus, ob ministeria quæ in Sala seu Curia Regia obibant. Sed & omnes in Curia vel Palatio Regio gaudent securitate Salicâ, quam *Burgfriden* vocamus.

Garo. Glossæ Lipsii: *Garo, garn*, paratus. Kero: *Karata*, præparavit.

Senuar, videtur legendum *Suuar*, gravis. Kero: *Suuar*, grave. *Suuarriu*, gravis.

Eregrehtin, Otfrid. IV: 1. ult.

Al bi thinen mahtin,

lob hohen eregrehtin.

Omnia per tuam potentiam,
& summam Majestatem.

Et c. 5, 44.

Thaz ôli ouh thia slihti

thera sinera eregrehti.

Oleum & æquanimitatem
suz Majestatis.

Et

Et V: c. 23, 581.

semper in shen: mahain.
bi sinen éregrehtin.

Semper in potentiis
per glorias suas.

Et I: 4, 33. de populo orante:

Sic unarun iro henti

Xi Gote heffenti,

Sinero éregrehti

unarun ihiggenti.

Erant suas manus

ad DEVM tollentes,

Ejus glorificationi

erant inservientes.

Vox ex Ere, honor composita & gerehti sive kerehti, quod kero vindictam interpretatur. *Rehcham*, ultor, eadem significat itaque propriè gloriæ, honoris & Majestatis tuitionem & vindicationem, quam Regi approcatur Poëta, à qua salus populi dependet ac vicissim. Felicitatem temporum ab auspicio Regio dependere, communi Gentium consensu constat: atque ut sanitas capitis & membrorum una sanitas est: ita capiti prærogativa hæc debetur, quippe quod operationibus ad totius corporis salutem tuendam, præcellat.



20221

